

*1/2 Thaler*  
**Vom Tanzen/**

**Obs Gott verpotten hab/ Obs sünd sey/**

**Vnd von andern erlaupen furtzweilen der  
Christen/als/Spielen/Singen/  
Trincken/Jagen ic.**

**Mit verlegung/ des falschen vnd onbeschey-  
den vrrteils / M. Welcher Ambach/ Priedigers zu  
frankfort/vom Tanzen/geschrieben.**

**Durch Jacob Kay/pfarher  
zur Neuwenstat am Koch.**

**Prouerb .xvij.**

**Ein frölich hertz / macht das leben lüftig/  
Aber ein betrübtet müth/ vertrocket das gepein.**

**M. D. XLV.**

Dem Edeln vnd Ern-  
vesten Georgen von Altv/Wirttembere-  
gischem Stathalter vnd Oberstem Visitator/  
meinem gepietenden Herrn vnd günsti-  
gen Juncfern.

Gnad vnd Frid durch vnsern Herrn  
Jesum Christ.

**G**edeler vnd Ernvester Juncfer. Es hat  
Gott der barmhertzig Vatter / zur auffrichtung  
Christlicher lere in Teütschenlanden/zü vnsern zeitten/  
allen schatz seiner gnaden vnd gaben reichlich vber vns  
ausgeschüt / mit offenbarung aller sprachen vnd gutten  
künsten / Vnd die selbigen / treüwen / geleerten vnd fleißi-  
gen leütten eingethon. Welche dan ( ein ieder nach der  
mas seiner gab ) mit lere bey den ihren / vnd schreiben  
an die frembden / grossen nütz vñ fürderung / zü erkant-  
nus Gottes schaffen / Wie sie dan sonderlich die Schül-  
zü Wittembergt gibt / vnd ihr niemant den rhüm nemē  
kan. Si weil aber der Sathan / als ein feint menschl-  
ches heils / auch sein Capel / neben Gottes kirch / alwege  
vnderstet auffzürichten / erheben sich hin vnd her / allen-  
ley leüt / zü solchem handel ongeschickt vnd onberuffen /  
vnd schreiben auch büchlin / darin sie nichts guts / nichts  
nützes noch nötrigs der welt fürtragen / sonder allerley  
onrüh / mit ketzereyen / irigen opinion vnd onnötigem  
streit / anheben / vnd mhe den elenden ehr geitz suchen /  
dan



dan nutz der lieben Christenheit / Vnd ghet ihn wie der  
hellig Ambrosius sagt / Ein jede gefelt sein schreiben  
wol / vnd wie auch heßliche / vnd iren eltern wol gefallen /  
also geliebt manchem schreiber sein ongeschickts vortra-  
gen / Dan bücher schreiben ist kein konst / seittemal ein  
jeder nart darin meister seyn will / Aber nütze vñ nödtige  
bücher schreiben / das ist kunst / mühe vnd arbeit / dan es  
nutzet / vnd man kan sein nit entratten / Darumb wirt  
billich von jederman vber die onnützen vnd onnötigen  
bücher geklagt / dardurch die kirchen oneins / zürprochen /  
vnd keins wegs erpauwen werden / wie man siehet vnd  
greiffet / Also hindern / die onnützen schreiber mit iren  
fletterbüchlin / die rechten vñ von Gott beruffenē schrei-  
bentē / zū auffserung seiner ehre erweckt. Dis angeschē /  
hab ich wol oft lustē gehabt bücher in truck zū geben / vñ  
vermeint darmit der kirchen nütz zū seyn / Aber es hat  
mirs alweg geweret / das ich dacht / Lieber halt stil / Es  
seint gnug schreibenten / die nichts an der pfannen lassē  
hangen / schreib du deiner befolhenen kirchen ins hertz /  
mit treuwer predig des Euangelions Christi / so hastu  
gnug zū schaffen vñ zū thun / Wil Gott das du schrei-  
ben solt / wirt dir wol gelegene vrsach darzū geben / Also  
hab ich mich gang vnd ghar in die thuw begeben / vnd  
vill lieber / ander geleter leut / gute bücher gelesen / dan  
der welt / meine bücher ( wie die ia seint ) dargestossen /  
So hab ich lange zeit schwachheit meins haupts vnd ge-  
sichts erlittē / das ich nit konth / ob ich schon gewölt hett /  
Als ich nun wehnē wil / es hab kein nott / ich siz in thuw /  
studir / ließ vnd predig meiner kirchen / Sehent Eren-  
vester Juncker so kumpt ein fledermaus von Franck-  
fort geflogen / ein rechts / onnütz vnd onnötigs fletter

büchlin/wider meiner altē predig eine geschriebē/welche  
ich wol vor zwölff Jaren gethon hab/ Vnd het mich ehe  
himmelfals verschen/dan das erst dar von solt ein büch  
in truck außghen. Aber darvon hernho im v. capittel/  
Weil aber solchs büchlin meister / verpeit das Gott  
nit hat verpotten / Macht sünd / do Gott keine hat ge  
macht/Strickt ab/was Gott erlaup hart / noch gelegē  
heit der zeit/orts vnd personen bin ich getrungen wordē  
solchem büchlin mit guttem grund göttlichs worts zū  
widersprechen/dan es steckt nichts anders drinnen/dan  
ein heüchel geist / ein Münch vnd widdert außser Geist/  
Vnd weil dieser böse geist/zū vnsern zeitten/on das al  
lerley onrhuw der gewissen anricht/ hab ich bedacht das  
dis mein schreyben der kirchē nit onnot noch onnütz sein  
werd ( doch sol das vrtail / sten bey der lieben Christen  
heit ) Vnd hab also diese arbeit auff mich geladen.  
¶ Das ist aber whar / Es ist offtermals vnder den  
Theologen ein zancf geweest ( sonderlich seyt der zeit/  
das die Münch die Tanczeln bestigen habē ) Ob Tancz  
en sünd sey. Etlich als die verstendigsten/habens lassen  
pleiben/weder böß noch güts darvon gereth / sonder al  
lein den mißbrauch antast / wie in andern dingen/Vnd  
wol erschen das man der welt vnd Jugent nit kan alle  
kurtzweil ab striekē noch Münch draus ziehē/Sas an  
der teil/hat das Tanczen zum Scherpfsten antast/ver  
dampft/zū sünden gemacht/vnd ghar abzuthun gehert  
vnd getriben/Sas dise frog der massen auff bede teil ist  
disputirt worden/acht wol/es werd also pleibē bey streit  
rigen leütten/denen nichts gefelt/dan ihr weyß/ Ich hab  
allerley vom Tanczen gelesen/bey alten vnd neuwē/hab  
aber noch kein gelesen / der mit statlichem grūd bewiesen  
hab

hab / das Tanzen sünd sey / das Gott verpotten hab/  
On allein was man samlet vom Misprauch (den nie-  
mant billicht) Solte das geltē / so wölt ich vil lieber hel-  
ffen Weyntrinctē abthū / dan Tanze / Dan so vil arg  
kan man nit vom Tanze reden / vil vil ergers kumpt vō  
weyn / vñ hab doch noch keinen gelesē / der widers weyn  
trinctē geschribē hab / dan so fer den misprauch anghet.  
Ist nun weintrinken sünd / so ist Tanzen auch sünd.  
Ist weintrinken von Gott verpotten / so ist Tanzen  
auch verpottē / Aber das wirt keiner beweisen / sey wer er  
well / So wirt auch keiner beweisen / das Gott zimlichē  
güthē mūth / freud vñ kurzweil / seinē Christen geweret  
hab / mit essen / trinctē / singē / springē / tanze / freudē spieln  
ic. zū seiner zeit. Ja ich darffs auch mit der warheit redē /  
das es ein güth werck sey / das man das gemüeth also er-  
getze / wie ich manch mal an gutten / frumen vñ ehlichen  
leüttē erfharē hab. Auch ist denē von nōtten / welche mit  
hohen / swerē geschefte der regiment / also beladen seint /  
das sie zū erhaltung / ires leibs vñ lebens / freud / gütten  
mūth vñ kurzweil bedörffen / vñ hernomals zū den ge-  
schefte desto lüstiger seyn. Wie ich dan erken / das Für-  
wer Erneste / ein müseliger man ist mit trefflichē / wich-  
tigen vñ fürstlichen geschefften beladen / das ihr / iedert  
weiln das leben swere vñ sauwer wirt / Vnd mein Gne-  
diger Fürst vñ Herr / ganz in gutte treuwen / seine ge-  
schafft E. Erneste heimlegt. Derwegen ich dis mein  
schreiben vnder E. E. v. namen / hab in truck begeben /  
nit allein vom Tanzen / sonder auch von allerley kurz-  
weil / welche Gott seinem volck aus gnaden / erlaup vñ  
gegünth hat / Vns wirt in göttlichē wort gewehret / das  
wir nit aus eigner whalein solch sauwer vñ münchisch



weisen fürnehmen / Darumb sagt der Sirach am xxx.  
Nach dich selbs nit traurig vnd plag dich nit selbs mit  
deinen eigen gedanken / San ein frölich hertz ist des  
menschen leben / vnd sein freud ist sein langs leben / Thū  
dir gūts / vnd tröst dein hertz vñ treib traurikeit fern vō  
dir / dan traurikeit tödtet vil menschen vnd dienet doch  
nirgent zū. Des gleichen Salomo prouer. xvii. Ein  
frölich hertz / macht das leben lüstig / Aber ein betrübter  
mūth vertrocket das gepein. Der Teuffel mus seine  
Mūch / Sauwerseher vnd Trophonisten auch haben /  
die laß man ihm / sie wöllen doch nit anderst / Vnd wer  
den sonderlich von Sanct Paulo gewarnet / vns zū hüt  
ten vor denen / die nichts den eittel geist sein wöllen / dar  
durch sie endtlich nichts dan lautter fleisch werden / Es  
ist in der warheit nichts dan ein Heüchel geist / der ghem  
allewelt noch seinem gefallen nerzen wölt / vñ sünd ma  
chen do Gott keine gemacht hat / Das ist in keinen weg  
zū leyden / Christliche Oberkeitten vnd Prediger sollen  
nit darein gehellen / das man auß mittelmessigen vnd  
freyen dingen / gezwungene wöl machen / San David  
am liii. psalm zelets vñ die plagen der gottlosen / das  
sie sich fürchten / do nichts zū fürchtē ist / vnd sünd mache  
do Gott keine gemacht hatt. Auß diser versach / hab ich  
Erenuester Juncker mich ins schreibē begebē / Vñ erst  
lich was mein meinūg sey vō allerley kurzweil mit ordē  
licher teilung gesetzt / auß grund göttliche worts das  
mirs niemant wirt können verleihen / darnho gib ich ant  
wort / auff das Franckfortter Kletterbüchlin / Solchs hab  
ich also in Capittel geteilt / das es der leser / desto lüstiger  
vnd ordenlicher mög lesen / auffhören vnd wider anhebe  
wans ihm gefelt. E. Ex. well ihr diese meine arbeit im  
besten

besten lassen gfallē/es möcht etwa bessers folgē/Vñ wöl  
ime die Kirch sampt jrē dienern lassen vñ Christus wil  
len/befolhen seyn. Hie mit beselhe ich E. Eo. Gott  
dem almechtigen vatter / Amen. Geben zur Neuwen/  
stat am Roche. W. S. xliiij. Am tag Luce des heilw  
gen Euangelisten.

E. Etnächst.

Gehorsamer

Jacob Katz/Pfarrer  
zur Neuwenstat.



# Von kurzweilen der Christen.

## Das erst Capittel.

**D**ie Welt war nie güth / Vnd  
wie Sanct Johannes bekent / so leyt die  
gantz welt im argen / Das macht das/  
das grösser vnd merer theil veracht alle  
Gottes gepott / Thut mit rath vnd mut  
will / was Gott verpeüt / Vnd was Gott erlaup / das  
kan sie nit bas anlegen / dan zu allem vbermüth vñ mis-  
prauch. Serhalb / etlich güthertzig leüt / der eyffer iedert  
weiln treibt / Auch zu weil thuts ein heüchel geist / Das  
sie dencken / Es solt doch Gott der welt kein guts thun/  
sonder solt sie mit hellischem feüwer in abgrunde schla-  
gen / vnd ihn kein creatur wachsen noch dienen lassen.  
Aber dieser eiffer hat Gott nie gefallen / hat im auch nie  
gefolget / Vnd erlegt sich darwider / auß zwey heffrigen  
vsachen / Die erst / das solcher eiffer / ist wider Gottes  
art vnd natur / von welchem also zeügen Mose vnd  
Said / Das er sey barmhertzig / Gnedig / gedültig /  
Langmütig / von grosser güte vnd treüwe / Serhalb  
er zur straff nit eilet / vnd lest im diesen / seinen helligen  
namen nit entweyhen noch eilen / Tregt ehe mit grosser  
gedult / vnd wartet vnser besserung. Lest vber die welt/  
walten seine gemeine barmhertzigkeit / Tüth güts vnd  
hilfft auch / denen / die ihn nit drumb bitten / vnd dan-  
nit dancken. Die ander vsach / So verschonet Gott /  
seiner



seiner aufferwelten/die auff der welt/vnd vns den bösen  
leben/ Vmb dieser willen/ thut er auch der welt güths/  
Lest sein sonne auffghehen / vber die bösen vnd güthen/  
Vnd lest regenen auff gerechten vnd ungerechten/Sas  
die bösen/der güthen genießen / vnd mit ihn der Gottes  
gaben brauchen. Was aber Gott nit in gemein strafft/  
das wirt er in sonderheit wol finden/ Serhalben / müß  
es alles dienē / den aufferwelten/ die sich göttliche gepott  
zü halten / teglichs vben / Vnd seine erlaubungen / mit  
danck sagung geprachen zü ieder zeit gelegheit/ Vmb  
dieser willen/ schreib ich/was ich schreib / wie Gott vmb  
jrer willen alles thut / was er thut / Von vnd wider die  
andern schreib' wen gelüßt/ dan ich wil jre Gottloß wev  
sen/nit billichen noch verteidigen.

## Das Ander Capittel.

**I**n Göttlichem wort vñ helliger Schrift/sindē wir  
Vierley Tantz/ Ein Geistlichen Tantz/ Ein Götz  
en Tantz/ Ein Burgerlichen Tantz / vnd ein Buu  
ben Tantz / Ser erst Tantz / ist ein Geistlicher Tantz/  
Welchen frumme / hellige leüt / bey den rechten / waren  
Gotsdienssten/Gott zü lob/ehren vnd danck gethon ha  
ben/nach dem sie der hellig Geist Gottes getriben hatt/  
Als dan war Sauts Tantz/do er sprang vor der ladē  
des Herren / mit gangem ernst vnd fleiß / vnd machts  
so güth er jmer konth/mit künstlichem Tantzē/hupffen  
vnd springē / Welchs seiner stolzen hauffrauwen (Di  
cal mißfiel / aber Sautd verantwort sich vnd seinen  
tantz mit ehren / wie die schrift zeüget im andern teil

Samuel am vj. Ich halts aber genzlich dafür/dz Dauid vor sein person nit allein tanzt hab/ Sonder in dieser proceß hat der heilig Geyst inhe leüt getrieben zu gleichem tanz/ Es hab gleich ein ieglichs für sich selbs allein getanzt/ od selbander/ Dan wer wolt nit tanzen/ wan ein künig vn ein prophet durch den helgē geist ein solichs vor thut: So waren in dieser Proceß auch vnder handen/vrsachē des tanzts/ Nemlich/das aller best pfeiffen/Trometen vnd seittenspill/wo dan ein gütter trip pel doher klungen hatt/solt nit ein todter getanzt haben/gesweig ein lebendiger /sonderlich / do es zu gottes ehren dienet vnd im wolgefelt / wie vns darzu vermanet der heilig Geist / am cxxxvj. psalm vnd spricht/ Lobet ihn mit pauken vnd reyen / lobet ihn mit seittē vnd pfeiffen. Diese proceß wirt also beschreiben / am lxviij. psalm/Wan siehet Gott / wie du einher zeuchst/ wie du mein Gott vnd künig einher zeügst im heilighumb / Sie singer ghent vorher / darnho die spilleit vnder den megden die do pauken.

Vnd ist diese kurzweil / ganz gemein gewest im alten testament bey den Gotsdiensten / Das auch Gott gepott/sie solten vor ihm/essen/trincken / vnd frölich seyn/ Vnd ob schon etlich nit tanzt haben / so hand si es doch macht gehabt/ auß erlaubung gottes / vnd habens denē nit geweret/ die getanzt haben/. Wie wir lesen im buch der Richter am xxj. Das ein Jarfest des HEN war zu Silo / an welchem die töcher herauß giengen mit reyen zum Tanz / Dan ein solichē Geist frölichen menschen/wil Gott in kein sack stossen/sonder ihn lassen frey ghen / Wie Paulus sagt. Rom. viij. Sie der geist Gottes treibt / das seind Gottes kinder/ Welcher

Welcher dan ein ieden treibt vñ regirt / noch seiner maß  
zu ieder zeit.

Solch lobe Tenz oder Sanct Tenz / haben die hel-  
ligen leut vnd Gottes gemeine getrieben / Wie Maria  
thet / do das volck Israel / auß dem rotten mher kam /  
Mose aber / sampt den mannen / dem **HERRN**  
danck sungen / Nam Maria Arons swester / welche ein  
Prophetin ware (Werck ein Prophetin) ein paucke in  
ihr hand / vnd alle weiber folgten ihr noch hinaus mit  
paucken am reygen / Hiezweiffel ich abermal nit / es ha-  
ben auch die gottseligen man mit getantz / in ihrer ord-  
nung / Vñ in dieser grossen freud / dem **HERRN**  
gesungen / getantz vnd geflungen / Dan ich laß mir die  
umbstend / eines güttens handels nit in ein bockshorn  
treiben / Hab des gütte anleittung auß dem Hebreisch-  
en / Auß dem Trefflichen man Nicolo de Lira / vnd  
andern Hebraisten mhe. Desgleichen / thet das volck  
Gottes / do Holofernes vmb kam / Sagt das xv. capit-  
tel Judith / Jederman whar frölich / sungen vnd sprun-  
gen / beide Jung vnd alt / Wiewol dieser Tanz / mhe  
burgerlich dan Geistlich ist / doch ist er nit on den helgen  
geist / der solche freud in Gottselgen hertzen treibt / Wie  
auch die freud im buch Ester.

Dieser geistlich tanz / ist nun mit dem Alten Testau-  
ment verloschē / dz man ihn nit mhe treibt bey den Gots-  
diensten / Wiewol etlich Scolastici sagen / Das wo  
noch solch tanz geschehen / welche der hellig Geist treib-  
wie in Maria vnd Sauid / so weren sie auch verdienst-  
lich / Sas las ich nun vor sein werdt sten / wils weder lov-  
ben noch scheltē / Dan ich müste noch auff diesen tag dis-  
lassen ein Geistlichē tanz sein Wo Gott ein frum hertz



mit sonderm freudē vñ gabē ergetzet / darob es sein hend  
zū sammen legt sprüng/tanzet/ vnd lobte Gott/ Es ge-  
scheh öffentlich oder im hauss.

Ich weys etlich ort in Teutschem land / do man in  
der Christnacht / die iungen knaben vnd merdlin schon  
schmücket / vnd leßt sie tanzen sein ordentlich vnd züch-  
tig vmb den hohen altar / do man ein wiegen mit ein  
kündlin hinsetzt/ vnd engellin drumh herfien dieses wie-  
gen / Solchen Tanz / zū ehren der gepurt Christi vnd  
von ein vnschuldigen alter gethon/ west ich nit zu vrtel-  
len/ Wil ihn auch noch zū mal weder loben noch schelten/  
Angern welt ich ihn abthū/ noch ongerner welt ich in an-  
richtē/ sonder/ was gott frey leß/ sol mir auch frey pleibē.

Dieser geistlich Tanz/ freud vnd kurzweil/ von den  
alten helgen vnd Propheten/ bey ihren rechten gotsdien-  
sten getrieben/ hat seyn herkommen auß dem helgen geist.  
San gleich wie die rechten Gotsdienst auß gott seint/  
also was ihn anhengt vnd folget / ist auß Gott. Was  
nun aus Gott ist / das ist güth vnd heilig / Vnd dieser  
Geistlich tanz ist auß Gott / Darumb ist er güth vnd  
heilig/ ferner/ Was auß dem glaubē get/dz ist on sünd/  
Dieser geistlich Tanz/ ghet aus dem glauben/ darumb  
ist er nit sünd.

### Das Dritt Capittel.

**D**er ander Tanz / heist der Gögen Tanz/ So hel-  
dignun/ der geistlich ist/ so verflucht vnd verdampft  
ist dieser/ Stedt also mit/ Gott vnser her / ist ein  
v: sprüg vñ stifter aller rechtrē Gotsdienst/ aller freud vñ  
güthen müts in den heiligen / Das siehet der Teuffel  
vnd

vnd wils got noch thun / So macht er auß Gots dienste  
Gözen dienst / auß geistlichem Tanzen / gözen vñ teüf  
fels tanze / Vnd ghet wie Tertullianus sagt / Der Sa  
tan wil Gott alle ding noch thun vnd eiffen / hat seine  
Tantz / sein Sacrament / sein gözendienst / also auch sein  
ne Tenz / freud vnd kurzweil / Ein solcher gözen tanz /  
whar / do die kinder Israel vmb das gülden kalb tanzte  
Exo. xxxii. Item do die Baals pfaffen vmb das opfo  
fer tanzten vnd hupfften i. Reg. xviii. Wie nun der  
selbige ganz gotsdienst / verdampft vnd onrecht whar /  
also whar auch verdampft vnd onrecht / ihr essen / trin  
cken / freud vnd Tantz. Von solchen Gözen tenzen le  
sen wir wunder bey den heyden / was für grausamer ab  
götterey / schand vnd laster darbey geschehen seynt /  
Eben wie do sagt / der weysman / Sapien. viii. Den  
schändlichen gözen dienen / ist alles bösen anfang / mit  
tel vnd end / wie nun der Satan alles verterbet in den  
gotlosen / also verterbet er auch alle kurzweil. Dese Gö  
zen tenz / seint nun mhe auch verloschen / mit den heid  
nischen abgöttereyen / Wie wol / ichs ganz darvor halt /  
das noch die Juden / wo sie den alten helgen noch welten  
tanzen bey ihren gotsdiensten / das rechte Gözen tenz  
werē / San der heilig Geist treibt sie nit mhe / sond der  
Teüffel / Vnd ist der heilig geist / von der ganzen Sina  
gog vnd Judenthumb gewichen am Pfingstag. Acto.  
am ij. vnd sich gethon zu der lieben Christenheit. Also  
urteil ich auch von der Türcken tenzen / freuden vnd  
kurzweil / Des gleichen / von den kirben Tenzen / wann  
die Bauern den vollen Ablass holen. Item / Von den  
Tenzen / freuden / vnd kurzweilen / welche die Papisten  
halten / auff iren ersten messen / So mans gleich einer  
b iii

hochzeit anricht/ Vnd ist doch im grund / der anfang in  
die Schelmen zunfft / auch nichts anders dan lautter  
Gögen werck vnd gögendienst / Darfür sich alle Chri  
stliche hertzē hütten sollen / so lieb ihn ist Jesus Christus  
ihr herr vnd heiland / Sollen flichen die Gögendienst  
vnd gögen tētz/ Vnd was man inhe des gleichen mag  
finden. Sise Gögen tētz / treibt nun vnd verursachet  
der Teüffel / darumb seint sie nit güth / Ghent nit auß  
dem glauben / Seint sünd vnd verdampt.

### Das Vierdt Capittel.

**D**er Trit Tanz/ heist der Burgerlich Tanz / Vñ  
ist/ do Man vnd frauwen/ jung gesellen vñ jung  
frauwen / öffentlich zū sammen kummen / zū recho  
ter zeyt/ in züchten vnd ehreu / mit wissen vnderlaubnis  
der Oberkeyt vnd ihrer eltern/ Als auff hochzeiten/ oder  
ehrlichen geselschafften/ frölich/ güts müths zū seyn/ vnd  
zū Tanzen / Wie solichs auch die alten Scolastici nit  
straffen ( Scolastici seind aber / die alten gelertten / so  
vnderm Bapstum gelept / Kirchen vñ hohen schullen re  
girt haben / haben / derenetlich sein leüt gewesen / Wol  
vñ ordenlich von vielen sachen geschriben haben. Das  
sag ich vmb des Teütschen lesers willen ) Sise lassen zū  
das man auff hochzeiten tanzen mag. Des gleichen/  
Wo man swermüttigen / Melancolisthen leütten gü  
ten müth wil machen vud sich erquickē / Ferner wo mā  
auff ehrlichen geselschafften sey / Oder/ wan man ein freu  
nd wil haben/ so gott ein sig gibt von den feinden / Vnd  
wan ein herr mit freuden wider heimkumpt / der lang  
auß



auff ist gewest. In diesen stucken lassen sie zu / freud /  
güthen müth / Tanzen / vnd alle kurzweill / die mit böse  
sem mißbrauch nit verderbet werden / Vñ sage / es kond  
geschehen on sünd / Mit diesen halt ichs / Nit als vmb  
irent willen / sonder vmb folgendes grunds willen. Wie  
nun alle burgerliche ordnüg / auß Gottes ordnung seint  
vnd herkommen / also kompt auch auß Gottes ord-  
nung / alles was ihr folget vnd anhangt / es sey zu schis-  
mpff od zu ernst / zu leyd oder zu freud / Das sol ich war-  
machen / Vnd will den ernst vnd leid / dis mal auff seyt  
setzen / vnd auff meiner ban pleiben.

Wir lesen. i. Sam. xviii. Das als Dauid / den  
Riesen Goliath erschlagen hett / gingen die weiber  
auß allen Stedten Israel mit gesang vnd reigen dem  
Künig Saul entgegen / mit pauken / mit freuden vnd  
mit geygen. Hie sehen wir ein schönen burgerlichen  
Tanz / freud vnd kurzweil in gottes volck / vmb ein her-  
lichen sieg / den ihn Gott an ihren feinden gegeben het.

Also lesen wir auch im Propheten Jeremia am. xxi.  
wie er das volck Gottes tröstet / das sie noch der Babilo-  
nischen gefencknis wider solten zu ein burgerlichen regi-  
ment kommen / vnd als dan auch Christum entphahen  
vnd sagt / Wolan ich wil dich widerumb bauwen / du  
Jungfraw Israel / Du solt noch frölich bauken / vnd  
eraußghen an den Tanz / Was aber hernho am selben  
Capittel / spricht er / Als dan werden die Jungfrauen  
frölich am reyen seyn / Darzu die Junge manschafft  
vnd die alten miteinander / Hie lest ons der ernsthaft  
Jeremias / ein teütschen tanz sehen / do man vnd frawē  
miteinander tanze / Wer wils nun verdammen / welcher  
es Gott für ein seggen vnd wolthat achret / vnd durch

ein Propheten zum trost verheisset.

Gesgleichē/der Prophet Zacharias am viii. capit.  
den Burgerlichē Tanz/spill vñ kurtzweil nit verdampft  
vnd spricht von gots wegen also / Es sollen noch der  
Stadt gassen voller knaben vnd meidlin seyn / die auff  
den gassen spielen / Was dis für ein spielen sey / haben  
wir dar auß dem Hebraischen zū sehen. Exo. xxxii.  
So der text sagt / Das volck setz sich mider zū essen vñ  
zū trincken vnd stunden auff zū spielen (oder zū kurtzwei  
len) Das whar nichts anders/dan ein tanz / Wie (Moi  
ses selbs sagt / Ich höre ein geschrei/eins singendē tanzs  
Vnd do er hin zū kam / sahe er das kalb vnd den reygen/  
Soch wil ichs so enge nit spannen / sonder gib zū / das  
auch andere freud vñ kurtzweil mit ein geschlossen seyn/  
San das iung gesind/treibt nit einerley / sonder ein ier  
des sein spiel.

Von ein solchen burgerlichen tanz / redet auch der  
Salomo / in seinem prediger am.iii. spricht / Tanzen  
hatt seyn zeyt / vnd setz do selbs zusamen vil stück des  
burgerlichen lebens / welche alle / ihre zeyt haben daran  
sie geschehen mögen/Vñ außser irer zeyt / sey kein glück  
darbey. Was nun sein zeyt hat/das sol vnd mag gesche  
hen/wan sein zeyt vnd gelegenheit do ist / Vnd seind  
dise stück/gar weyßlich/ordenlich/vnd mit höchstem be  
dacht des helligen Geists durch den Salomo gesetz.  
Wan aber die zeyt sey/auff welche man tanzē oder lach  
en möge/weiß ich nit besser zū finden/dan wie sie droben  
auß den Scolasticis gesetz seint/do mit auch die schrift  
zū stimpft / So sagt der frum vnd gelert Lira / vber die  
sen spruch Salomo/Tanzē hat sein zeyt / auff den hoch  
zeyten der ehelēit / Nun ist/dieser Lira/ein gelehrter He  
braist

braist vnd ein getauffter Jud geweest / der sich der alten  
breich vnd wo her sie entsprungen / wol verstanden vñ  
gewist hatt / Also ist nun im alten testament bis auff  
Christum gehalten worden / Vnd von Christo bis auff  
vns / Wirt also pleiben bis ans end / Dan der gereth hat  
Geporen werde hat seyn zeit / Sterben hat seyn zeit /  
Lachen / hertzen / Tanzen hat sein zeit / Der wirt diese  
ordnung vñ erlaupnis bey gottseligen leuten erhalten /  
onangesehen das es vil gottlosen missprauchen.

Wir haben im Euangelio / das Christus vnser herr /  
mit seiner mutter vnd mit seinen Jüngern auff einer  
Hochzeit ist geweest / do hat er nit allein / den schimpff nit  
geweret / sonder auch dar zu geholffen / Ist frölich geweest  
mit den frölichen / vnd jm alles lassen gefallen / was zu eh  
ren geschicht / Darumb das es mit seiner ordnung vnd  
wort bedeckt ist. Nun ist onleügenbar vnd offentlich /  
das man im alten Testament auff hochzeiten vnd wol  
leben getantz hatt / Wie alle Hebreer vnd Juden zeüg  
nis müssen geben / das Tanzen bey ihnen auff hochzeiten  
nit ist verpotten geweest / So hat Christus kein son  
derlichs wellen haben / noch wider den helgen geist im  
Salomo gestrept / Welcher von seiner freündlichkeit we  
gen vnd leutselikeit sonderlich gelobt wirt / Vnd so kost  
frey bey dieser hochzeit war / Sonder hat jm lassen gefal  
len / was lendlich vnd breichlich war zum ehren. Also sol  
len wir auch thum / nit Strencköpf oder Wendenschw  
mpff seyn / Christus mag ein güts mütchlin / in ehelichen  
sachen / von seinen Christen wol leiden / Wir ist ghar  
kein zweiffel / do Christus den güten weyn auß wasser  
gemacht / vnd auff die hochzeit geschendt hatt / Das  
mancher dem güten weyn zu lieb truncken hat / bis er



ein güts menlin worden ist / Sannoch weils zu ehren  
geschicht / lestes Christus hinschleichen vnd verdampfen  
nit / der doch vsach dar zu geben hett mit dem güten  
weyn / Lieber / vnser herr Christus / sihet nit so scharpff /  
wo etwas in seiner ordnung vnd wort ghet / Vnd weys  
sich zu halten noch dem spruch Salomo Ecclesiastici  
am vii. Sey nit all zu gerecht / vnd sey nit all zu weys /  
das du dich nit verderbest / Wie auch Sirach thut  
am xxxii.

Das aber pfeissen vñ Tanzen / zu Christi zeyten im  
brauch sey gewest / wirt klar / San er nimpt selbs ein  
gleichnis Luce. xv. von der freud / vnd kurzweil / welche  
zu seinen zeyten in diesem volck breüchlich war / Vnd  
sagt das der elter Son hab im hauff gehört das geseng  
vnd den reygen. Des gleichen Matth. am xi. Sagt er  
von den kindern / die auff der gassen zusamen schreyen /  
wir haben eüch gepfissen vnd ihr habt nit getantz / Wel  
ches die kind nit wurden geschrien han / wo sie solchs nit  
im brauch gesehen hetten / zu ihren zeitten / do Christus  
schon in seim ampt einher gieng / Also verschlingt der  
gnedig vnd barmhertzig herr vil vnser gepreden / in  
dem artickel / vergebung der sünd. Sermassen helt sich  
ein Christlicher burger / wan er zu leyd oder zu freud ghet.

Weil nun Kürzweilen vnd Tanzen / seyn eigen zeit  
hatt / folgt draus / das es nit gepüret zu aller zeit / Wel  
es aber die zeit sey / das Tanzen den Christen nit wol an  
steh / weys ich abermal nit besser zu finden / dan wie es  
die alten im brauch ghapt / Nemlich / das man nit las  
tanzen / Vom Aduent an (welchs solt heissen / des Jüng  
sten gericht tag) bis noch der heiligen drey König tag.  
Vom ersten Sonntag an / in der fasten / bis auff den erstē  
Sonntag

Sontagnach Trinitatis / Doch möchte sich ein solcher  
fal begebē / Siffensatio felt etwas macht haben / Item/  
Wan do seint offene Büßsatzung / do man Gott vmb  
ein besonders anliegen/bitten wil / Auch an den Sontag  
gen / so man das nachtmal Christi helt. Zu solchen zeit  
ten / sol die Oberkeit nit lassen Tanzen / Nit darumb  
das es sünd sey / sonder das solch zeit das recht nit hatt/  
Also verpeit der Prophet Joel capit. ii. Alle freud vnd  
kurtzweil in zeitt der trübsal / So erlaupst Jeremias  
vnd Zacharias / in gnediger/gütter zeitt / wie droben  
angezeigt / San freud weret nit alle zeit / also auch das  
leidt nit / sonder Gott hat eins nebe dem andern geschaf  
fen / sagt Salomo am vii. seins predigers. frag. Wie  
aber solts ghen an den orten / do man allen Sontag  
Communion helt: Sol man do auch alle kurtzweil ver  
piettent Antwort / Nein / Sonder do ist gnug / das die  
kirchendiener/die Communicanten vermanen / sich sol  
licher kurtzweil vmb gots willen / auff dis mal zu enthal  
ten / do mit niemant geergert werd / Das ander laß die  
Oberkeit handeln / noch jeder zeit gelegenheit.

Alhie zur Neuwenstat/darff man kein Tanz halten/  
on erlaupnis der Amptleut / Welchs im Jar selten gesch  
icht / Wan dan das jung volck / ein tanz begert / Hören  
sie dis / Welt ihr tanzen / so seyt züchtig vnd eins / oder  
ihr müßet in thurne. Das laß ich nit wolgefallen / vn  
kanes nit straffen. Summa / Wo gotsföchtig / erbar/  
züchtig leüt seyn/do darff man nit leren / wan Tanzens  
zeit sey oder nit / Sie werdens selbs wissen / noch dem  
sprichwort / Zeitt hat ehre / Ehre hat zeit vnd helt  
zeitt / Were solich zeit verfert/thut wider Gott/wie Esa  
ias flagt am xxii. Weil nun dieser Burgerlich Tanz/

von Gott erlaupet ist / So ghet er auß dem glauben/  
vnd kan on sünd geschehen / wo man nit mit mütwilli-  
gem mißprauch verderpet.

## Das Fünfft Capittel.

**W**Als ich nun von diesem burgerlichen Tanz halte/  
das halt ich auch von allerley ehrlichen / burger-  
lichen kurtzweilen / Als vom Spielen / do gütte  
leüt vmb kurtzweil willen / nit arger / falcher meinung/  
sonder redlich vnd auffrichtig / auch nit vmb solchs ge-  
wins willen / darauß ein andern sein verderben folgen  
möcht / miteinander spielen / Es sey mit Karten / im Brett /  
mit schießen auff der taffel / mit kegeln / mit federn / mit  
offentlichen schießen / der armbrust vñ der büchsen / Sol-  
liche spiel / wan sie mit onrechtem mißbrauch nit ver-  
derbt werden / seint sie on sünd / gehören zü ordenlichem/  
burgerlichem / leben vnd kurtzweill / Wie oft frumme/  
gotsfürchtig leüt / sollich kurtzweil suchen / nit vmb ge-  
wins willen / sonder ihr gemüt leichtter zü machen / wie  
vns gott erlaubet / in ein gemeinen spruch Sirach am  
xxx. Treib traurikeit fern von dir / dan sie tödtet vil  
leüt / vnd dienet doch nirgent zü / Vnd ist deshalb in mei-  
nes gnedigen Fürsten vnd herren landtsordnung / der  
artickel vom spiel wol gesetzt. So lesen wir das David  
ii. Sam. i. befalh / die kinder Israhel den Bogen zü leren  
das ist / mit schießen vnd Ritterspielen sich zü vben / auff  
das sie wider die feind / desto fertiger weren / Wie ich des  
inhe exempla anzeigen künth / wans not solt thun.

Sermassen vrtail ich vom Trincken / Es erlaubet  
Gott der herr seinem volck im alten Testament / das  
sie



sie bey ihrem wolleben/weyn vnd Starck getranck soltu  
ren kauffen vnd trincken / mit allem darzu ihr hertz ein  
lusten hett / Deut. viii. So sagt der ciuii. psalm / Gott  
hab den weyn erschaffen / zu erfreuwen des menschen  
hertz / Vnd Sirach am xxxii. Der weyn erquicket den  
menschen das leben / so man ihn mäßig trinckt / Vnd  
was ist das lebē / do kein weyn ist: Der weyn ist geschaf  
fen das er die menschen sol frölich machen / Der wein  
zur notturfft getruncken / erfreuet leib vnd seel / Aber so  
man sein züml trinckt / bringet er das hergeleidt.

Wan nun gütleit / dieser meinung zusammen kum  
men / wer wil sie drum verdammen: die weil es jnen vō  
Gott erlaupet ist / Vnd ob schon einer auff ein trincklin  
tritt / wer wil ihn beschuldigen / So fer doch kein onor  
dig wesen drans folget. Ich hab manchen redlichen men  
schen sehen am feyertag zu weyn gehen / nurn sich zu  
erquickē / welcher die ganze wochen kein weyn trancke /  
vnd hart must arbeyten / Wan er nun zum weyn kam /  
tranck er vnd ward frölich / lacht vnd sang / oder fantisie  
ret so etwas / Wan er nun des trincklins entpfundt /  
packt er sich heym / Wer wil solchen vtheiln: Ich nit /  
dan Gott heist michs nit.

Wer wil den frummen Nohe vtheiln / der nach seiner  
arbeyt auff ein trunck tratt: Sein son Cham / vtheilt  
vnd verspottet ihn / das schenckt ihm Gott nit / das er  
ewiglich verflucht wirt / mit allen seynen nochkommen /  
Gen. ix. Wer wil den helgen Joseph verdammen / der  
mit seynen brüdern aß vnd tranck / biß sie alle zülich  
woll bezechet wurden: Gen. xxxviii. Wer wil Christū  
vnd die hochzeyt leit zu Cana richten / die so hertzlichen  
güthen weyn trincken: Siehe sagt der Schenck zum

Breütgam! Jedermā gibt zum ersten den güttē wein/  
biß sie bezechet werden/darnoch den geringern/ Du aber  
hast den güttē weyn behalten biß doher / Danck hab  
lieber schenck / Ich siehe wol wie es auff dieser hochzeit  
zü ghet / So siehe ich auch wol / mein herz Christus/  
will nit den bauwern auff den Juncckern setzen/nach mit  
ernlichem weyn beschliessen / sonder macht den letzten  
druck besser dan den ersten / Das hies / mit güttē  
weyn abtruncken.

Ich trinck gheru gutten weyn / vnd danck Gott im  
herzen wan ich ein güttē trunck hab / bin fro das wir  
des sauern weins / im xxxviii. Jar gewachsen / ab  
seyn. Darff nun Gott mein herz / güttē weyn lassen  
wachsen/warumb welten wir nit trincken wie sich ge  
pürt: Wer es nit ein ondank pars schelmen stuck: Des  
gleichen ghe ich iedertweiln zum wein / wo ich weys/  
das ein gesellschaft für mich ist / Nit trinckens halb (dan  
mein G. F. vnd R. lest mir auß gnaden geben / das ich  
den durst in meym hauß wol leschen mag ) sonð der ge  
sellschaft halb/beforab/wan mich die grien plagen mer  
lancolisch/vnd dollisirens wil seyn / Vergiß drumbnit/  
Christlicher zucht/ Warumb das / Sarumb das mirs  
Gott mit allen Christen / gnediglich giñth hatt / wie  
bewiessen.

Ich kam auff ein zeyt an ein berümpften Widertaus  
fer / vnd vnder anderen fragt ich ihn / mit was maß / er  
ihn ein flecken ging / darin er vor nit gewest were / Ant  
wort er / So frag ich den nechsten / der mir begegnet/  
Seint auch Christen leüt in dem flecken: Spricht er  
dan / Ja / so frag ich ferner / Ghent sie auch zum Weyn  
Tanzen sie auch: Wan er dan antwort / Ja / so sprich  
ich

ich/ Ach Gott do seint noch nit Christen leüt / vnd ist  
niemand würdig das ich zu ihn einkere / vnd mich behers  
berge / Aber auff das sie von dem schendlichen leben be  
kert werden / so wil ich dannoch hineingehen. Dar  
auff sagt ich ihn / Lieber / wie wurd es dir gefallen habē /  
wan du herrest Christum gesehen / bey der hochzeit sizē /  
do man isset / trincket pfeisset vnd tanzet. Sagt er / Ich  
weys nit / wie mirs gefallen hett / So ich nun den schaw  
ck mercket / setz ich an ihn / wie mir gepürt / Gab er kein  
andere antwort / dan seyn geist kōnth sich darnho nit  
verrichten / vnd schied dohin.

## Das Sechst Capittel.

**W**As ich nun vom Trincken red / das sag ich auch  
vom Singen vñ Seittenspiel. Gott erlaup sey  
nem völk / das sie in ihren Gotsdiensten vnd  
wollen / allerley seyttenspiel / pfeiffen vnd Trometen  
soltten vnd dorfften brauchen / Wye wir finden Num.  
x. in vielen psalmen vnd historien. So war Dauid  
ein feiner Gotsfürchtiger herr / Noch hett er zu hoff  
Senger vnd Seittenspieler / Wie hernho auch der Sa  
lomo sampt andern hern mhe / in beden testamenten.  
So sagt der Sirach am xxxii. Capittel. Ire die Spil  
leüt nit / vnd wan man lieder singt / so waph nit drein /  
vnd spar dein weysheit biß zur andern zeit / Wie ein  
Rubin in feinem gold leuchtet / also zieret ein gesang  
das mhal / Wie ein Smaragd in schönem gold stehet /  
also zieren die lieder beym güten weyn. Aber wan man  
dis nun alles hat / freud vnd güten muth / singen vnd  
pfeiffen / sol man kein endtlichen trost darein setzen / Son



der sagen wie Salomo Ecclesiastici. ii. Es ist eittel  
vnd iamer/ Weyß niemant wie lang es weret/oder was  
drauff folge/ Vnd müssen doch endlich alle darvon.

## Das Sibent Capittel.

**S**leichs vrtail felich von der kurtzwil/die heist Ja-  
gen/ Es seint aber / Fisch Jäger / Vögel Jäger/  
Wiltpret Jäger/ Ist alles ein gewerb/ obs wol ge-  
deilte namen vnd ongleichen kosten hatt. Nun hatt aber  
Gott der her/ erlaubt seinem volck zü essen. Deut. xiiii.  
Hyrs/ Rehe/ Gemb/ Tendlin/ Drochs/ Elend/ Wel-  
che thier in vnsern heüßern nit erzogen werden / sonder  
seint Wildtpret/ Seint sie nun erlauppt zü essen / so seint  
sie auch erlauppt zü Jagen vnd zü fohren / Wie wir lesen/  
das Salomo / sein Jägerrey gehapt / vnd teglich zü hoff  
Wiltpret gespeyst. i. reg. iiii. als Hyrs/ Rehe/ Gemo/  
Welchs auch andere/ vor/ noch/ vnd neben ime gessen vñ  
gefangen haben. So hatt auch der hellig Isaac Gen.  
xxvii. seinem son Esau/ das Jagen nit verpotten/ son-  
der auch geheissen / vnd selber ghern gessen / Obschon  
der Esau / in andere weg / Gott nit gefiel / So hat vns  
Christus / das Wiltpret nit verpotten / sonder wie er vñ  
seine Jünger / fisch gessen haben / also wo es ihnen ge-  
piert hat haben sie auch Wiltpret gessen / Ist nun jagen  
erlaubt / so ist auch alles erlauppt was darzu von nöthen  
ist/ als / Jäger/ gharn / hund/ hundsblüben / Habich etc.  
wie die Juristen sagen/ Cui conceditur principale/ con-  
ceditur et eius accessorium. Darauff erfint sich/ das ein  
Fürst / Herz / oder Adel / auß zweyerley vrsachen / on  
sünd kan jagen/ Als erstlich/ So er Jagt / zü erhaltung  
seins hoffs/ es sey vor Wiltpret was es wöll. Zum an-  
dern

dem / Wan er Jägt / kurzweil halben / sich zu ergetzen /  
onmüth vnd swere zu vertreiben. Diese zwey stuck / ge-  
schehen on sünd.

Es haben die alten Scolaſtici / derer etlich dannoch  
seyn leüt seint geweest / auch wol vom jagen geschriben /  
Ob man Jagen dörrft / Was man Jagen dörrf / Vnd  
wer Jagen möge / Sprechen / Das Jagen / ieder man  
verpotten sey / zu den zeitten / do man solt in der kirchen  
seyn / betten / Gott dienen / vnd seyn wort hören / Außert  
halb dieser zeit / mag man wol Jagen. Disputirn fer-  
ner / Wan ein hert thaulos were / vnd gepörrt seinen die-  
nern zu Jagen / onangesehen / sie dienerē Gott oder nit /  
Ob auch solch diener / solten gehorsam sein / Vnd schlies-  
sen Nein / Sie sollens nit thun / Schuldig seint sie ih-  
ren herren / zu thun was man sie heist / aber nichts wider  
Gott / dan man sol zum ersten / das reich Gottes suchen /  
Matth. vii. Strumb sollen sie von ersten Gott dienen /  
darnoch Jagen / oder werden vor Gott nit entschuldi-  
get / Wie auch wider solchs jagen / der heilig Ambrosius  
hefftig schreibet. Sagen weiter / das zweyerley Jäger  
seint / Bauwern Jäger / vnd wiltpret Jäger. Bauwern  
Jäger / nennen sie / so man den armen man vber sein ver-  
mögen zwingt / plagt / scherzt / vnd onbarmhertzig gegen  
witwen vnd weisen ist / Dis kond on sünd nimmermhe  
geschehen / Aber das Wiltpret Jagen / kond wol on sünd  
geschehen. Wir finden aber das wort Jäger / in helger  
geschrifft / im bösen vñ im güttē gebraucht / Das ist / Es  
seint böse Jäger / Vnd seint gütte Jäger. Im Bösen  
haben wirs / Gen. x. vom Nimroth / der nichts dan  
ein bauwern jäger war / Zwang die leüt vnder sich vnd  
regiret onbarmhertziglich / Mag darneben auch wol ein  
d

Wiltpret jäger geweest seyn. Also finden wir auch am  
lxxxvi. psalm / So ein gottselig frum hertz / Gott  
danck / das er es behütet vom strick des jagers / das ist /  
vom gewalt / ongeschlechter Oberkeit / welche gelt süch-  
tig vnd blütdurstig ist / Wen nun Gott behüt / das er sol-  
lichen hern / nit in die strick oder hand kumpt / mag wol  
danck par seyn. Im güten aber / haben wir das wort  
Jäger / Jere. xvi. Siehe ich wil fischer aussenden / spri-  
cht der HERR / die sollen sie fischen / Vnd darnho wil  
ich viel Jäger aussenden / die sollen sie fahen / auff allen  
büheln vnd auff allen steynrigen zc. So verheißt Gott  
der HERR / erstlich güte Prediger / wie es Christus  
selbo reüttet / Luce. v. Darnho verheißt er Gottselige  
Oberkeit / welche nit allein vor ihr person / gottselig sein /  
sonder Jagen vnd treiben auch ihre vnderthon zusa-  
men / das sie Gottes wort hören / fordern auch dasselbig  
mit güten gesetzen vnd ordnungen / halten ob dem  
Wort / vnd wie Augustinus sagt / Sienen sie Christo /  
weil sie gesetz geben zu erhaltung der ehre Christi / So-  
lich Jäger / waren / Dauid / Salomo / Joseph / Ezechia-  
as / Josias / wie ihre historien noch der lenge außweyssen /  
das sie das volck versamleten / in die land schickten / das  
man sich zün rechten gotsdiensten fördert / vnd zün hñ be-  
feret / Solich Jäger / seint geweest / Costantinus / Mag-  
nus / Theodosius / Valentinianus / Carolus / Magnus /  
Welche Christlichen herren / Gottes ehr von herten lieb-  
ten / vnd forderten auch ihre vnderthanen dar zün verma-  
neren / Solche Jäger hat Gott (auß gnaden) auch etw-  
liß vnsern zeitten gegeben.

Die Schlasten / schafften die grossen Herren vber die  
Was / welche mit den wilden thieren kempfen / ihren leib  
vnd



vnd leben on nort in die gefhar geben / Vnd nennens  
Venationem arenariam/als wan sie wellen Leuwē oß  
Beren stechen / vnd was der bösen thier mhe seynt / do  
man leib vnd leben wagen müß / Sagen wo ein her oder  
Jäger also stürb / were er verdampft / hett sich selber on  
nort vmb sein leben pracht vnd gott müßwilliglich ver-  
sucht / dieweil man solche thier wol in andere weg kan  
vmb bringen / So ch entschuldigen sie die Herren vnd  
Jäger / welche soliche grēliche thir jagen vnd tödten  
vmb gemeines nutz willen / als wan sie den armen leüt-  
ten / das viehe vnd frucht beschedigen / Vnd ob einer drü-  
ber / von ein wildt beschediget würde / das er stürb (sa-  
gen sie) das er dan noch sein möcht / im stant der seligkeit.

Hie fragen sie / Ob auch ein Fürst / mit guttem ge-  
wissen leiden möge oder soll / das / das wiltpret den ar-  
men leütten schaden thū / Vnd schliessen schlecht / Nein /  
dan ein her sol seiner vnderthanen leib vnd güth / vom  
feinden bewaren / Warumb er dan / vmb seiner kurzweil  
oder muth willen / solchen schaden welt lassen geschehen  
So von den fruchten des velds die armen sich nehren /  
vnd den hern ihr zins vnd gült geben müssen / : So ch  
milttern sie also / Das ein Fürst oder her / wol mag  
das Wiltpret hegen / doch wo es den armen / so merck-  
lichen schaden thut / so sol er den schaden besichtigen las-  
sen von sein dienern / Vnd den armen den schaden abzu-  
gen / mit frucht / weyn oder gelt / So sond ers vor Gott  
dester bas verantworten / Solich sein erdenlich bericht /  
laß ich mir sehr woll gefallen / dan sie haben iren grundt  
in Gottes wort / vnd in der billichkeit / vnd gehört dis  
stück / Ad ius restitutionis.

### Das Acht Capittel.

**M**an finde auch viel leide / die haben ein besondere  
freud mit hübschen kleidern vñ schönem smuck/  
Sarnon gib ich diesen bericht / Das do seint  
fünfferley smüet / Ein kirchen smuck / Ein haussmu-  
uck / Ein ehern smuck / Ein hoffart smuck / Ein Büben  
oder huren smuck. Vom ersten den ichnen ein kirchen  
smuck / Ist welcher / in die kirch gehört / damit Priester/  
Man vnd fraw sich züchtig vñ ehrlich geperden / San-  
uit ein ieglicher smuck / gehört in kirch / Vnd thaug nit/  
das die Mann welten in kirch ghen / als sie ihn krieg zie-  
hen / Noch den Weibern / das sie sich smücken / als welte  
sie zum tanz ghen. Welchen smuck / Sanct Paulus  
ghar artig beschreibet. Cor. vi. Vnd wil darin bedacht  
haben / Erstlich die kirch vnd gemeinde gottes / Sarnon  
noch / das Recht der Natur / Zum Tritten / die Engel/  
Zum Vierden / die Göttlich Maister. Vor diesen al-  
len zü erscheinen / dero zü dienen / sol jederman sich zum  
ehrllichsten geperden / San ist Sanct Paulo / so hoch  
drangelegen / wie ein weib zü kirchen ghe / Warumb nit  
vil mhe / wie ein Man oder Priester in der kirchen stehet  
Sarnon er auch handelt / am. viii. capit. Ich zeige  
kurtz an zü dießem mal.

Der ander smuck / ist ein hauss smuck / So ein weib  
sich also kleidet vnd ghet / das sie ihrem man gefall / nit  
ein onstatt in der kichen vnd im hauss sey / Item / So  
ein Man sich also tregt / das er dem weib gefall. Von  
welchem hauss smuck / auch Sanct Paulus schreibt. i.  
Cor. vii. So lesen wir von der helgen frauwen Kester/  
Das sie in küniglichem smuck ghen must / mhe dan ihr  
lieb war / Aber also erfordera ihr stande vnd hauss / vnd  
der künig / thet nit dran wider Gott vnd ehr.

Der

Der Tritt Smuck / ist ein Eheren smuck / So man  
sich zu leyd vnd freud smücket / wie sichs gepürt / Als auff  
hochzeiten / vnd wo man zum ehren ghen muß / So  
wirt ehre der best zuchtmeister seyn / was ein jeden wol  
ansteht. Also lesen wir / Gen. xxvii. Das Isaac / seinen  
Sohn Esau / mit sonderlichen Eherkleidern versorget  
hett / Aber Gott zieret den Jacob drein. So schenckt der  
hellig Joseph / seinen brüdern vnd Vatter / ghar schöne  
Ehrkleider / Gen. xxxv. Daraus wir noch lernen /  
was nit wider Gott sey / Wie Esa. lxi. gleichnis nim  
mpt / vom Priester / Breitgam vnd breit smuck. So ler  
ret die helge Joemi / die frumme Ruth. cap. iii. das sie  
mit ehrlicher Kleidung zum Boas ghen solt / Wan sich  
nun / Wan / weib vnd Thöchter / zum ehren kleiden / ist  
nit onrecht / Ist auch nit sünd / Wan sich ein gottselger  
Jung / ehrlich kleidet / do mit er ein weib bekumt / Oder  
ein frumme dochter / das sie zum ehren mög kummen.

Der Vierd Smuck / ist ein hoffart Smuck / Welcher  
in kirch nit thaug / Im hauß kein nutz / Vnd zum Eheren  
vbericht ist / Widder solchen smuck / schreibt Tertullian  
nus ein eigens buch vnd hat vil Schadens in die welt brau  
cht / Widder solchen smuck / schreyet ghar hefftig Esa.  
iii. Sanct Peter / in seiner ersten epistel am. iii. Sanct  
Jacob / in seiner Epistel am. v. So zeigts das Exem  
pel Herodis an / Acto. xii. wie vbel es gott gefall / den  
Scheblchen madensack / also zu vber sülpem / Es gibts  
auch die erfahrung / was diese hoffart schaden / So sich  
der bauwer / dem Adel wil gleich tragen / Der Adel dem  
Grossen / Die Grossen / den Fürstin vnd Keiserin / So  
ist des spitzens / kein end noch maß / Also das die hoffer  
tigen / köstlichen Frauenzimmer / verderben / Keiser



vnd Künig / Fürsten vnd herren / lant vnd leüt / ghen  
offenhe auff ein Frauenzimmer / dan auff eins Für  
sten oder grossen ganze hoff vnd haushaltung. Das  
ist vbermacht / Es soltens gottselige weiber mit begeren  
Vn soltens weyse herren mit gestarten / Dan es ist man  
chem weib / wie ein Esel / Wan sie viel antregt / meinet  
sie / desto hübscher zü sein / So müssen die finger in rin  
gen liegen / Der hals mit ketten behengt sein / Vnd wer  
hoffertig ist / müs sich vill leyden / Dan gibts Tadel / aff  
terreden / vnd anders onrats gnug / Ich gib es ferner / frau  
men leütten zü bedencken.

Der fünfft smuck / ist der Buben vñ huwern smuck /  
Wider welchen schreib vnd predig / wer zungen vnd fed  
dern hatt / kan nur nichts dran verderben / Ich mag diß  
mal nit sonderlich mit vmb ghen / Sonder welt / das al  
le huwern ihr smuck gerieth / Wie der Jezabel. ii. Reg.  
ix. Sie smücket ihr angesicht / vnd smücket ihr haup /  
dem Jchu zü gefallen / so sturzet er sie zum fenster hin  
auß. Onnütz leüt thunt wie ihr weiß ist.

Noch eins / müs ich hie herz zü setzen / Vom zü gast es  
sen vnd laden / Dan ich welt je / gütherzigen vnd zart  
ten gewissen gheyn Rathen. Wir lesen Luce am. xiiii.  
das vnser herr Christus gesagt hatt / zü ein der ihu gela  
den hett / Wan du ein Mittags oder ein Abendmal  
machest / So lade nit deine freind / noch deine brüder /  
noch deine gefreundten / noch deine nachbarn / die do  
reich seint / Auff das sie dich nit etwa wider laden / vnd  
dir vergolten werde / Sonder wan du ein Mal machst /  
so lade die armē / die krüpel / die lamē / die blinden / so bistu  
selig / Dan sie habens dir nit züuer gelten / Es wirt dir  
aber vergolten werde / in der auferstehung der gerecht.

Diese

Diese red Christi/nach der scherpffe an zu sehen/macht  
etlichen leuten ein onruiwig gewissen. / dan sie sehen al  
lein diese wort an / mit auch andere schrift vnd exempel  
helliger leut/ Ich hab mich mhe dan ein mal mit müssen  
uber lauffen lassen. Nun ist auch ein stuck / erlaupter  
freunden der Christen/das gütte freind/brüder vñ noch  
parr/einander laden / vnd widder laden / Zu gast / auff  
hochzeiten / vnd wie das mag geschehen/ Sollte Chri  
stus/ das verpietren / so müste er selbs auff kein hochzeit  
gangen seyn. Sanct Paulus müste auch den Christen  
nit erlauben/zü gast züessen. i. Cor. x. Es würd auch Jo  
seph nit recht haben gethon/do er seine brüder lüde/ mit  
ihm zü essen. Gen. xxxviii. Wie wollen sich nun Chri  
sti wort hie zü reymen/ Antwort/ Nurn sein. Der Chri  
stum geladen hett/ vergaß der armen daran gemanet  
ihn Christus. Wie der Sirach thut am. viii. spricht/  
Vergiß der armen nit/wan du den frölichen tag hast/so  
wird dir auch freud widerfaren/die du begereest / Also ge  
pott auch Gott seinem volck/ Deut. xxxviii. Wer nun  
gest wil haben/mag laden wen er will / allein / er lad vñ  
fern herren gott auch/ erquick die armen/ So ist das an  
der alles reyn/vnd güth/ Wie sich gottselige leut/darein  
woll wissen züschicken.

Hie mit will ich / den burgerlichen tanz enden / mit  
dem ganzen reyen/ Was man aber mhe/vor kurzweil  
mag zusammen bringen/auff züiaß göttlichs worts / die  
laß ich gelten / so fer sie gehalten werden / noch der pers  
son / orts vnd zeit gelegenheyt / vnd nit mit falschem  
misprauch/verderbt werden.

## Das Reindt Capittel

**D**er Vierde Tanz / heist der Büben oder hüwern  
Tanz / do man auff nichts güts zusamen kumpt/  
alle gottes gaben vñ erlaupte freude / zum schanden  
lichsten misspraucht / wie dan whar der tochter Herod  
dias Tanz / ein rechter hüwern tanz / von hüwern vnd  
büben zü gericht / als ein mittel / dar durch Herodes / des  
angelegten handels erinnert ward / vñ drob züsagt / Jo  
hānem zü enthaupten / wie dan geschah. Solche Tenz/  
gehören in fraw Venus berg / in die grossen pfaffen resi  
denzen / do man solcher Tenz pfleget / Es geschah ein for  
licher Tanz zü Wenz / als ich in Scola realium studirt /  
das ein Thumher / sechs hüwern zusamen bracht an  
ein abent / vnd bestelt darzū ein lauttenschläger / So  
sie nun gezechet hetten / mußten die hüwern alle nacket vor  
dem geistlichen hern Tanzen / darnho mußten sie auff  
allen viern kriechen / Der lauttenschläger sagt mit hern  
nho / er het sichs wollich erwegen / der donner wird sie er  
schlagen oder das erdtrich verschlingen. Noch erger  
gings zū / auff Sanct Albans berg / On was anderstwo  
geschicht. Solch tenz seint wan Sōn od Tōchter / eigo  
ne vnd heimliche tenz haben / on erlaubnus der Oberkeit  
vnd der Eltern. Item die Nacht tenz / in den Vorsitzen  
oder sust / do man nichts güts noch ehrlichs sucht / Item /  
So die Oberkeit vnd Eltern / dem Junge volck nuz wer  
ren / sonder leiden / das sie onzüchtig tanzen / spiengen /  
greiffen zc. Widder solch Tenz / schreyet billich Gottes  
wort / Conclia / Vätter / Prediger / Oberkeyt / vnd alle  
Erbarkeyt / Soll sie straffen / verpietten / vnd die vber  
treter also züchtigen / das sich andere darnor wissen zū  
hütren / Wie in andern misspreüchen mhe geschehen soll.  
Wer solch tenz leret / der ist ein büb / Wer sie vertedingt /  
ist



ist ein schalek / Wer sie treibt / handelt wider Gott vnd  
Ehre / San Gott hat sie nit erlaup / der kein miß-  
brauch lobet / sonder straffet / komen nit auß dem glau-  
ben / können nit drinnen geschehen / sonder seind ihm zu-  
wider / darumb seint sie sünd / Vnd wie Gözen dienst /  
Hurerrey verpotten seint / also seint auch alle stück ver-  
potten / so ihn folgen oder anhangen.

Was ich nun vrtail / von dem Buben tanz / das vrtail  
ich auch von aller ihrer freud / kurzweil vnd wolleben /  
noch dem gemeinen regel Pauli Tit. i. Den onreinen  
vnd onglaubigen ist nichts reyn / Sonder onrein ist bey  
de ihr sin vnd gewissen / Spielen sie / so thunt sie auff  
nichts güts / sond außlautterem geiz / den andern vmb  
seyn gelt zu befortheiln / drumb zu pringē mit finantz / list /  
falschen spiel / vnd wie sie das mögen zu wegen pringen.

Sermassen sag ich auch / von der büben freffen vnd  
sauffen / dan sie trincken nit vnd essen nit / wie gotes forch-  
tiger barleut / sonder ihr gemüeth stedt nurn zum miß-  
brauch / des weins / der kost / vnd aller gaben gottes /  
Welche Sanct Paulus / schlechts dem Teüffel gibt / wie  
recht vnd billich. Also auch von der büben singen / sey-  
tenspiel / Jagen / smuck vnd zu gastessen / Darvon ein  
jeder Christ / oß treuwer Seelsorger / woll schrift weys /  
onnott hic noch der leng zu handeln.

## Das X Capittel.

**D**Is ist / Gepietender hertz Stathalter / vnd Visi-  
rator / Günstiger lieber Juncker / mein halten vnd  
meinung gewesen vom Tanzen vnd andern er-  
laupten freuden / seyt das ich ein verstant gehabt / Vnd  
weiß von Gottes gnaden / das ich recht halt / kein miß-  
e

brauch noch onrechts billich / lere oder verteding / Vnd  
solchs hab ich auch predigt / vnd wo sichs hat zügetragen  
gelert. Nun hatt sichs aber begeben / das ich im Jar Chri  
sti M. S. xxxii. ein onwerder vnd onwürdiger Predi  
ger war / zü Bishesheym auff dem Reichgaw (danich  
Fonth mit swermen) vnd ein Predig vom Tanzen het /  
Ausz der vrsach / Es ist ein Prediger zü N. der zum sel  
bigen mal weidlich swermet / der het ein Predig gerhan  
wider das Tanzen / darin ers verdampft on allen vnder  
scheit / vnd reizet do hin die Oberkeit / alle tenn nider  
zulegen / Vnd solch Predig / schickt er schriftlich / zü an  
dern seinen mitgnossen / Also hetten sie etlich abgeschrie  
ben / vnd auff der Cangel gepredigt / darob dan / güthero  
zig leüt / sehr bekümmerte gewissen hetten / das ihn  
solche vnd andere ehrliche kurtzweil soltten verpotten  
vnd sünd sein / Wie ich aber Prediger ward / komet  
lich zü mir vnd frogten mich rats in der sach / Gab ich  
die antwort / ich weis nichts von solcher Predig zü sagen /  
het sie auch noch nit gesehen / drum ich nichts weis daro  
von zü vrteilen / Soch bewarb ich mich vmb diese Pre  
dig / die ward mir abzuschreiben / wie ich sie dan noch  
hab / So war es nichts dan lautter narrenwerck zusam  
men getragen vom Mißbrauch.

Nun trüg sichs eben vnd ordenlich zü / das ich Luce.  
am. xv. Prediget / vom verlornen son / wie der wider  
kam / vnd sein vatter jm lies allerley freuden spiel mach  
en. das ich darvon handelt / Ob solch kurtzweilen als  
Tanzen / von Gott verpotten vnd sünd weren. Ver  
legt hie mit also der wider partt vornempften argumen  
ta / wie ich vnd andere / solch mein predig noch haben.  
So het ich die Kreychgaufischen Swermer alle er  
zümt

flüent / aber keiner dorfftes maul widder mich auffthün /  
also pliebs stecken / so frogt ich auch nit ferner / dan ich het  
meiner kirchen geprediger.

Anno M. S. xxxvij. an Sanct Gallen tag / ist  
zu Helmstadt marckt / do hin kam ich in Pfarhoff / vnd  
fand vil Pfarher beyeinander / vnder welchen war. M.  
Melchor Ambach / dozumal Pfarher zu Neckorstein  
nach / ein berümpfter Swermer / Der fing nun an / er  
welt doch ghem wissen / was guts am Tanz were / vnd  
wo es gott erlaupet hett. Ich antwort ihm / Gott hats  
erlaupet. Ecclesiast. iii. Tanzen hat sein zeyt / Er sagt  
es stünd nit in der Bibel / Ich sagt / es stedt drinnen / Er  
antwort / Es gelt ein maß wein vnd ein gülden darzu /  
So sprach ich / Es gelt wol / Also langt einer die Bibel /  
suchts vnd legts jme für / do erschrack er sehr vbel / wust  
nichts zu antworten / dan / der text ist falsch / Es stedt nit  
also im hebraischen / Ich sagt / Es stedt also im hebrai-  
ischen / vnd Doctor Lutter / hats recht vnd wol vertey-  
schet / beruff mich des auff den buchstaben vnd alle dolmet-  
schen / Sarnoch sagt ich zum geselen / den gulden / wil ich  
M. Melchor schencken / aber die maß weyn sol er euch  
geben. Also zog ich fort ghen Heidelberg / vnd lies M.  
Melchor auff dem Esel sitzen / Hab kein nochdenkens  
mhe gehabt / sonder weil es ein schlechter handel ist /  
mich nit drumb wöllen mühibig machen.

Sieweil ich aber Anno M. S. xlii. Krancke vnd  
swache augen vberkam / lenger dan anderthalb Jar /  
gings geschrey auß / ich were ghar erplündet ( welches  
doch Gott durch sein barmherzigkeit gnediglich gewen-  
det vnd verhütet hat ) do hatt M. Melchor / in das zu  
getrochen feuwer geblasen / vnd wider newe gemacht /



welchs zwölff jar ist still gelegen / also gewis hand sie  
gehabt / das ich erplinder sey / vnd werd / weigen müssen /  
Vnd hatt öffentlich / diß xliiii. Jar / ein getrückt buch / wi  
der mich lassen außghen / doch verdeckt meynen namen  
(acht auß barmhertzigkeit / das ich Plint sey) welches  
mir nit lieb ist.

## Das XI Capittel.

**D**Je nun mein schreibens / vor zwölff jarn gethon / ge  
lesen herten / schickten mir W. Melchors büchlin /  
vñ ward mir erstlich zusehen / diß Jars an Sanct  
Michels tag / Vnd ob ich wol darvon gehört / acht ich  
doch nit / het kein denckens / das die pfeil auff mich gerich  
tet weren / aber do ichs gelaß / kanth ich mein sprach drin  
nen. Vnnd Warlich / ich rede es on falsch / wann dis  
büchlin / on ein Tittel were in mein hant kummen / so  
het ich nit anders dencken können / dan es hets erwan ein  
Widertaußer gemacht / oð ein mñch tölp / oð ein Nou  
mus San do ich dz büchlin auffthū / die ordnung vñ dis  
positio besiehe / so gehts eben auffeinander wie der wint  
feddern list / Vnd finden sich drinnen (wers im noch ler  
nen wil) diese kunststücklin. i. Das er gottes wort fells  
lich allegirt. ii. Das es klare schrift / bößlich verbern vñ  
vnderstet ein nebel drüber zu machen. iii. Das er fal  
sche zeügnis auff den nherten gibt / vnd verkert im seine  
wort vnd beschuldiget gütteleüt / mit offenen lügen. iiii.  
Verpeüt das gott nit hat verpotten / Wacht sünd / do  
gott keine hat gemacht / Das wil ich beweisen vnd ieg  
lichs an seinem ort anzeigen.

Er gibt den kauffleütten / ein gütten griff mit faülem  
grund vnd spricht / Ahe kauffen vnd verkauffen (sagen  
sie)

sie) ist nit sünd/noch von gott verpotten/trug der müß  
were. Recille. Diefelcüt reden nit onrecht/dan die gew  
werb/seint von Gott nit verpotten/ allein sie erfordern  
ein frumen man/welcher den leütten vmb ihr gelt recht  
thuwe/Wie Gott zum Mose sagt Leui. xix. Ir solt  
nit ongleich handeln/am gericht/mit der ellen/mit gew  
wicht/mit maß/ Rechte wag/rechte pfund/rechte sches  
fel/rechte kantte sol bey eüch sein/dan ich bin der her Lüt  
wer Gott. Hie hören wir/das Gott die gewerb nit ver  
pöit/wo man recht mit vmbghet/Vnd haben daruon  
vil schöner sprüch in helger schrift. Siehe aber wie fein  
verfelscht er Paulo sein wort Ephe. iiii Paulus spricht/  
Wer gestolen hatt/der stele nit mhe/sonder arbeit vnd  
schaff mit den henden/etwas redlichs/auff das er hab zü  
geben dem dürfftigen. W. Welchor redts also/Wer be  
trogen hat vnd vbergnossen/der betrieg vnd vbernie  
nit mhe. Schlies / Ergo kauffen vnd verkauffen ist  
sünd vnd von gott verpotten/ Istts nit ein gütte folgt  
Warumb lest er Paulo/nit sein wort sten/wie sie noch  
dem büchstaben lautent Vnd zeucht sie nicht auff ein  
frembden handel/Aber daruon hernho weitter.

Hie kumpt er nun ans tanzen/vñ che er sich bedingt/  
lest er vorher schmirren ein gemeine smehung/spricht al  
so/Sieweil aber auch etlich/die bey den einfeltigen vnd  
onuerstendigen/weyse vnd gelert geacht werden/dürfft  
sagen/das tanzen nit onrecht/noch sünde sey/von Gott  
auch nirgent verpotten/bin ich von diesem stücklin/dies  
weil geylheit/leichtfertikeit/vnd onzucht von solchen  
leütten für zucht/scham/vnd erbarkeit/anch wol mit fal  
schem darthun Gottes wort/gerümpft würt/meinen  
einfeltigen verstant vnd vireil auß Gottes wort/dar zü

thun / verursacht worden / *Hec ille.* Mit diesen heydi-  
schen vnd giftigen worten / sticht *M. Melchor* / mich nit  
allein / sonder auch vil herlicher vnd ehrlicher kirchen in  
*Germania* / sampt ihren trefflichen leütten im kirchen-  
ampt / meinelieben hern vnd preceptores / Als *Witten-  
berg* / *Tüirnberg* / vnd andere / do man auff hochzeiten  
vnd zu andern freuden tanzet / vnd sagt der heuchler die  
vnwarheit auff ons / das wir solten / geilheit für zucht /  
leichtfertigkeit für scham / onzucht vör erbarkeit rhümen /  
mit falschem dardun gottes worts. Aber andere leüt /  
werden sich wol entschuldigen / ich wil mein handel ver-  
treten / Heist nit das / an der thür irre werden. on vnder-  
scheid böß vnd güts verdammen. Wie ist der Mensch  
so frum / Ehe ehr ein ehrlichen Tanz erlaubt / ehe gebe er  
falsche zeügnis auff den nehesten / vnd vrteilt ihn freun-  
lich. Thü den balcken auß deinem aug / darnho frum.

Nun feret er mit der Saw zum marckt / vnd bedingt  
sich / von was Tanz er reden wil / spricht also. Zum er-  
sten frommer Christ / solt du mercken / das ich von müß-  
willigen / vnzüchtigen Tänzgen / wie iz der merer teill /  
die doll heydnisch welt / man vnd weib jung vnd alt / des  
fleisch kugel zu büßen vnd ersettigen / gemeinlich pflegt  
vnd vbt / vnd solcher Tanz keiner on pracht / hoffart /  
vbermüt / verachtung anderer / leichtfertigkeit / onzucht /  
geilheit / hader / zank / verwundung / mord / ehebruch /  
hurerrey / vnd andere sünd vnd schand beschicht / reden  
wil / *Hec ille.* Wan *M. Melchor* / bey dieser bedingung  
plieben were / dörfst niemant seins schreibens / San wo  
hat er sein lebenlang / ein frummen menschen gehört / der  
solch tenz / billich / erlaub / oder lob. Er pleibt aber nit dar-  
bey / sonder vergist seiner bedingung / vnd feret stracks  
a. par



*à particulari ad inuenerale, à specie ad genus.* Drum das der buben  
tanz böß ist/Drumb seint sie alle böß/Sarauff gehört  
eintolle in d schulen/So ich mein Predig vor zwölff Ja  
ren thet/latittet mein bedingung also. Vnd zwar / ich  
welt euch lieber nichts von diesem handel predigen/son  
der nun im xvi. Cap. Luce anfohen vnd fürfaren/ aber  
dieweil man euch/ auch mit dieser heuchlerey hat wöllen  
beswerden/verpietten das euch Gott nit hat verpotten/  
vnd sünd machen / do Gott keine hat gemacht/ Kan  
oder sol ich nit sweigen/ Nit das mir das tanzen so wol  
gefall/sonder vmb des willen/das Gott nit hat verpot  
ten / Sarumb wil ich mich igundt vnd alweg bedingt  
haben/das ich ghar nit billich/die heimlichen vnd offenk  
en bübereyen/die bey m Tanz geschehen/ Gleich wie nie  
mant billicht/einigen mißbrauch/eins dings/sonder ich  
wil vom tanzen an ihm selbs reden / darnho auch den  
mißbrauch straffen. Vnd am end der Predig. Also be  
schließlich habt ihr die aufflösung / vber solch frag / ob  
man tanzen dörf / Vnd dieweil es Gott nit verpeit/  
darzü sein zeit hat / so darff ichs auch niemant gar veru  
pietten / So mit wil ich aber kein onrecht vnd miß  
brauch billichen / sonder ich rede von den kurzweilen/die  
ehrlich seint/als bey hochzeiten/vnd sust do frumme ge  
sellen/mit frumme döchtern / frölich sein vnd Tanzen/  
do istß weder sünd noch verdienst / sonder Gottes eru  
laubung/ Sermassen/hab ich mich/zum offtern mal/in  
meiner predig bedingt / solchs hat W. Welchor gelesen/  
vñ darff danoch auff mich liegē/als ob ich(wie ehr)an der  
thür were irre worden. Aber des dings wirt mhe folgen.

## Das XII Capittel.

**I**n der ghet der ernst an / **M.** Welchor will be-  
weyßen das Tanzen sünd sey / des nimpt er troy  
gründ / spricht / Der erst grundt das tanzen sünd  
sey vnd onrecht / ist dieser / Alles spricht Paulus / das nit  
auß dem glauben beschicht / ist sünd / Tanzen hat kein  
wort gottes / beschicht also on glauben / darumb ist tanze  
sünd / Wo aber Gottes wort vnd befehl ist / handelt  
man im glauben on sünd / Rec ille. In dieser red **M.**  
**Welchor** / seint troy stuck zu mercken / Das erst / Tanze  
ghe nit auß dem glauben / Das ander / Tanzen hab kein  
wort Gottes / Das tritt / Tanzen sey sünd vnd onrecht /  
Sarauff sag ich also / Wan man diese wort onbedingt  
redet so seint die stuck alle trei falsch / San das Tanze  
fond auß dem glauben ghen / findestu im geistlichen  
Tanz / droben im andern cap / Das aber Tanzen Got-  
tes wort hab / vnderlaubung / findestu im Burgerlichen  
Tanz am. iiii. cap / So schleüßt sichs selbs / das Tanze  
nit sünd noch onrecht sey. Aber in meiner Predig / hab  
ichs wol verantwort vnd vnderschieden mit diesen wor-  
ten. So sprichstu / Lieber waran felt es dan / das die folg  
nit besten mag / auß dem spruch zun Römern am viii.  
Antwort / Es felet den elenden leütten / das sie nit wol  
oder ghar nichts bericht seint / in der edeln kunst der Dia-  
lectica / welche leret / recht vnderschiedlich von einer sach  
reden / San also solt ihr rede sten / Was nit auß dem  
glauben ghet / das ist sünd / Etliche Tanzen / ghet nit  
auß dem glauben / Sarumb ist etliche tanzen sünd / Ja  
nit vmb des Tanzes willen / sonder seines angehendten  
wercks vnd mußbrauchs halben / Wie der Tanz war /  
der kinder Israel / vmb das Kalb. Der Baals Pfaffen  
vmb jren Altar vñ Opffer. Der Herodias tanz. San  
also

also vnderscheidens wir / Was auß dem glauben ghet/  
das ist kein sünd / Etliche tanzen / ghet auß dem glau-  
ben / Sarumb ist etliche tanzen kein sünd. Wie diese  
rede / doben bewisen ist / mit dem Exempel Mariam  
vnd Davids. Aber lieber Gott / Wer plint ist / der felt  
ongewislich / vnd die güten leüt meinen / man nem der  
schanz nit acht / Wiewol sie billicher auch ein vnder-  
scheid solten setzen / zwischen Davids tanz vor der lau-  
den / vnd ein burgerlichen tanz / Aber dieweil sie es nit  
thunt / sonder mengens alles vndereinander / müssen sie  
dargegen auch / eines mit dem andern auffnehmen / vber  
dieses stücklin / hupfft M. Melchor / thut als sehe er  
nit / aber ich hab drum nit vergessen / Trutz das er ein  
wörtlin dran / mit gütem grund / möge vmb stossen /  
Sarumb laß ichs noch also beruhen / Was nun auff  
diesen ersten grundt / M. Melchors gepauwet wirt / ist  
eittel vnd falsch / drum laß ich das ander onnütz ge-  
swetz hinstreichen / als des niemants bedarff / dan wer  
am büben tanz springt / Vnd weil nun mhe M. Mel-  
chor das maul schaynpt / das er vil sagt vō Buwern/  
Büben / Venerisch tenczen / sollen mit erbar leüt auch ver-  
zeihen / das ich grob sey / Lit das ich ein lusten darzu hab /  
sonder die nott wils also haben / Noch dem spruch Salo-  
mons / Antwort dem narren / auff sein narheit / das er  
sich nit dunck weyse seyn. Vnd abermal. Ein spruch in  
eins narren munde / ist wie ein dornzweig / der in eins  
truncken hand sticht. Also thut M. Melchor / mit al-  
lem seinem probieren nichts / dan ihm selber den schaden.

### Das XIII. Capittel.

**D**er ander grund / das Tanzen sünd vnd onrecht  
sey / spricht M. Melchor / ist dieser / So jeman-  
t  
f



spricht Johannes/die welt lieb hat/in dem ist nit die lie-  
be des vatters/ San alles was in der welt ist/ Nemlich  
die lust des fleisch/ der augen/ vnd hoh müß des lebens/  
ist nit vom vatter/sonder von der welt. Nun ist nirgent  
mhelust des fleischs/ der augen/vñ hohmüß des lebens/  
dan am tanz: c. Hec ille. Hie zeücht M. Melchor ein  
mal aus licht/ vnd redet meine wort also/ Nun reimpt  
sichs aber nit ( wie die teutzer fürgeben i. Jacob Kay)  
S. Johannes sagen nit/ das die stück allein beim tanz  
seyen (soß möcht er verpotten seyn) sonder in der gangē  
welt/ die selbigen sollen wir meiden mit ihr vppikeit/ so  
fer sie vns von Gott wellen abwenden/ vñ nicht allein/  
nit tanzen. Diese wort seint mein/ vnd erkenne sie für  
die meinen/ schem mich irer noch nit/ pleiben auch vor  
M. Melchor/ wol sicher sten. Wie verkerete augen  
vnd syn/ hat der güth gesel/ in dieser sach. Es ist ime  
we den Papisten vber der Wess. Wo die selben in der  
schrift/das wort/ Opffer finden/ weltten sie immerdar  
ghern drauß schliessen/ die Wess were ein Opffer. Also  
thut auch M. Melchor/ das wo er hurn ein wort siehet/  
will wenen es heiß Tanzen. Sanct Johannes spricht  
also/ Alles was in der WELT ist/ das teütter M.  
Melchor/ Es sey so vill/ alles was am Tanz ist/ Wan  
ichs also versten wurde (do mich Gott vor behüt) oder  
in mein Testamentlin find/ sol ferner antwort gefalle/  
Wie viel feiner vnd Christlicher/ hat Doctor Luther/  
mein günstiger hertz/ diesen spruch Johannis glosieret.  
Aber Was Luther M. Melchor/ sticht bas/ vnd hat  
scherpffer augen. Warumb ist M. Melchor zu Stein  
nach hinweg gezogen: Sarumb daß in der welt ist vnd  
ist do selbst lust der augen/ Warumb zeücht er nit zu

Frankfort

Frankfort hinweg / Ist nit do auch lust der augen?  
Versteh mich wol.

Vnd weyll M. Melchor in diesem andern grundt/  
abermal onbedingt redet vnd mich also antastet / Ist al  
les falsch vnd nit war / dan er wirt diese stück nit finden/  
am geistlichen vnd burgerlichen Tanz. Es were dau/  
das sich ein böser mensch / do hinein mengt / so were es  
seiner halb verderbt / mit der andern halben / die Gottes  
erlaubung recht prauchen / San den reynen ist alles  
reyn / sagt Paulus / Seu onreinen ist nichts reyn. Vnd  
wan schon nichts güts am Tanz were ( das doch nit  
whar ) San noch dem die person ist / also ist auch ihr  
tanzen / so ist doch das güth dran / vnd inhe dan güth/  
das ihn Gott / in seiner helgen schrift erlaubt / vnd von  
vielen frommen leütten geduldet hat on sünd / Ist das  
nit gut gnüg ? Darffstu sagen das Gott etwas böß er  
laubt habe Sündt dichs nit recht oder fein seyn / so shat  
mit deinem kopff hin / vnd frog vnsern hern gott drum?  
Wißbraucht nuneiner / das ime Gott erlaubt / vnd ist  
ein onflat darbey / der wirt sein richter on zweiffel haben.  
Vnd wan schon / souil böß / am Burgerlichen tanz were /  
glaub ich nit das ihn der heilig Geist / durch Jeremia /  
Zacharia / vnd Salomo / zügelassen hett / sonder in ihne  
allen verpotten / so wol als im Johanne / Darumb müß  
eintweder der heilig Geist widder sich selber seyn im Jo  
hanne vnd Salomo / Oder M. Melchor thut dem  
spruch Johannis / gewalt vnd onrecht / wie whar ist.

Sas ander gesweg / schick ich an den huweru tanz /  
wir dörfen seyn igo nit. Auff diesen spruch Johannis /  
welchen M. Melchor verkerter meynung do her zeücht  
vnd mißbraucht / folget also in meiner Predig. Also se

hent ihr/wie felschlich die gesellen/die zwen spruch/ongereympt / mit falscher volg / auff's verpott des Tanztz sich? Aber es ist kein wunder/ Welcher darff auff Gott/ falsch zeügnis reden/er hab verpottē / das er nit verpottē hat/dem ist's nit züniel/ auch die schrift züuerkeren/ Vñ das ist die ableynung dieser Wüschischen heüchler/ Wil man vom Tanzen reden / sonem man geschrifte die darvon sagt / vnd rede nit von wasser / wan man vom wein soll reden / Schrift entlehen / do man nichts offentlichs hat/zü einer sach ist leydlich/ aber das gegen teil nit. Hieheraus wirt klar / das sollich Wüschisch vnd Widerteufferisch Tanz verpietter ein doppel büberey vnd sünd begend/ Erstlich/sie liegen auff Gott/vnd geben falsch zeügnis widder ihn / Vnd seint in diesem fal/so güth als des Papsts Kirch/die vorzeytten auch verpotten / das Gott nit verpott / vnd erlaupen das Gott nit erlaubt. Zum andern / beteuben sie domit die Oberkeit vnd bereden sie / Das sie nicht auß Burgerlichen vrsachen / vnd zü Irenzeiten / Sonder auß falschem gleißnerischen grund in all weg / verpietten das Gott nit hat verpotten. Was das für stuck seyn/möcht ihr bey euch selbs bedencken.

Siehestu nit die grossen Kunst? wo nurn ein spruch in apostelischen schriften stedt/welcher gehört/auff ein gottselig / erbar / züchtig leben / können diese Waster draus folgen/man sol nit Tanzen/ Es sey sünd/Gott hab's verpotten/ Wie W. Welchor/ des eingange zeill/ am end hinan flettert / Schliesen eben widers Tanzen/ als wan er auch Apocalipsim oder Catonem / hinan gehenckt hett/ Aber es ist Kunst / du solts noch bas sehen.  
i Bey diesem andern grund / setzet W. Welchor/ ein  
künstlich



künstlich diffinition / des Tantz / die er zeucht auß dem  
satzman / Cornelio Agrippa / vnd lautter also. Lieber  
was ist doch das Tanczen anderst / dan ein begebung  
zur geilheit/gefallens der laster/ bewegung zur vnkeusch  
heit / vnd ein spill / das allen frummen vbel ansteht.  
Das ist die erst diffinitio / Nun folgen mhe / in seinem  
büch/die wil ich hie zusamen setzen.

ii Sie ander. Ja Tanczen ist eigentlich ein vbung/  
nit vom Himmel kummen / sonder von dem leydigen  
Teuffel/Gott zur schmach erfunden.

iii Sie Tritt/ Was ist aber Tanczen anders/dan ein  
schawspiel / der erzhuern frau Venus / vnd irem  
son Cupido auffgericht.

iiii Sie Vierd. Was ist aber Tanczen/dan ein hauff  
onreynikeit/vnd geilheyt.

v Sie fünfft. Ist Tanczen nit ein leichtfertiger schio  
mpff/ Ists nit eitel bosheit vnd finsternis: onkeusch ge  
perd / wort vnd werck.

vi Sie Sechst Tanczen ist ein besunderer böser lust  
vnd künzel des fleischs.

vii Sie Siebend. Lieber was ist doch das izig  
Tanczen / dan ein onmas / ergerlicher / ehrlöser / schent  
licher/vnd müthwilliger mißbrauch. *Hec ille.*

Siese diffinitiones/weil sie onbedingsthen/ seint alle  
falsch vnd keine whar. Vnd wie kan W. Welchor/ so  
ein ougelerter man seyn/ das er ein ding/ so vil diffiniti  
ones gibet/als tag in der woche seint Wans Bachanten  
thetten/weren sie stauppens wert/ Soch jme vnd seins  
gleichen ist's kunst. Wie hat er seiner dialectica so ghar  
vergessen/ oder so mutwillig / zu betriegen mißbrauchr.  
Darumb/das die junge gesellen vnd meine brüder / die

falschheit sehen/ Will ich ihnen/ die rechte diffinitio des  
Tanzes setzen/ Vnd ist dise. Tanzen ist ein freude vnd  
kurtzweil/ eins ordenliche reyen/ von Gott/ seinem volck  
erlaubt vnd gegündt/ zu seiner zeit. Diese diffinitio ist  
recht vñ whar/ Vñ wer ein gemeinē verstant hat/ kan sie  
erhaltē/ auß dem drobē/ vom burgerliche tanz gesagt ist.  
W. Melchor/ sagt in der andern diffinitio / das Tanzen  
eigentlich / vom leidigen Teuffel kum. Wo do hinauff  
Sagen sie nicht selbs / Savid hab auß dem helligen  
geist getanzt: Hie reym/ wer reymen kan / Nun muß/  
eins gelogen sein/ do hilfft nichts für. / Der hellig Geist  
lernt nichts vom Teuffel / treibt auch nit des Teuffels  
werck/ sonder zerbricht sie/ Das kan aber wol geschehen/  
das der Teuffel/ in den gottlosen/ die werck gottes miß/  
brauch/ wie im bösen tanz/ trincken vnd kurtzweilen ge/  
schicht. Hiehet W. Melchor wol geholffen/ Sermo Discipuli  
am Fastnacht tag / Der sagt / der Tanz kum von ein  
Teuffel / der heysß Schick den tanz.

### Das XIII. Capittel.

**D**Er tritt grundt W. Melchors/ das Tanzen sünd  
sey/ setzt er also. Sagt nit der hellig Paulus/ Haw  
rerey / vnd alle unreinikeit / lasset nit von euch ge/  
sagt werden/ wie den helligen züfett / Auch schamperer  
wort / vnd narrenteding / zu vñ leichtfertigen schimpff/  
vnd was sich nit zur sach reimpt. Hec ille. Ganz ier  
ig ist W. Melchor / Wo finter in sanct Paulus spruch  
den zúfatz ( zu vil leichtfertigen schimpff ) Gilt also  
Gottes wort/ mit vnsern zúsetzen zu besuddeln/ do man  
den reinen text soll allegiren/ auff das der leser mit betrou  
gen werd: Also thüt er auch in der vortede / do er den  
spruch

spruch. i. Tessa. iiii. soll anzeigen/ flattert er dreyn das  
wort (leichtfertigkeit) vnd verkert den schönen spruch  
schenlich/beruff mich auff den buchstaben. Also thut er/  
do er die auffleut verirt/Vnd hernho in andern spruch  
en mhe. Sarumb warne ich menniglich/hab jme acht  
drauff/wie arg er die schrift allegirt/deprauirt/befleu  
tert/vnd mit den haren zeucht/do sienit hin gehört/wie  
die Papisten vnnnd Widdertauffer. Aber das kan er  
kecklich verantworten/Höre nurn wie er sagt.

Ich thut auch in diesem kein zusatz zum wort Gottes/  
so ich was der wille/syn vnd meinung des geists gottes  
sey ( ob ich schon etwo andere wort brauch) ernstlich er  
wege vnd sehe nit auff den tödtende buchstaben/sonder  
vil mher auff den lebendmachenden geist/sin vnd mein  
nung vnsers hern vnd Gottes/der vns hat heissen meyo  
den allen bösen schein. Hec ille. pfudich Teuffel/ Wer  
hat dich mit des helgen geists feddern also gesmückt:  
Ich wolt weinen/ du werest der Esel in der Leo heit (so  
laut schriest du im anfang) so bistu zu ein Vogel worden/  
Hie guckt nichts anderst herauf/ dan ein Montani  
scher geist/ Ein Swenckfeldischer geist/ Ein Widdertau  
fferischer geist/ Das ist/ ein rechter treysacher Teuff  
fel. Ists nit ein schendliche/ vnd voller geistlicher hof  
fart/rede/zü sagen/ Was Gottes wort/mit drucken wor  
ten redet/das ist ein Tödtender buchstab/ Was aber/di  
ser Tauschen Melchor drüber suddelt vnd flattert/ist  
des geists gottes syn vnd meinung? Wer wil mit solch  
leüsten disputirn/ die ihn solch Teuffelisch vorteill vor  
behalten: Das dirs Gott verzeihe/ mein Melchor/  
Ich wolt weinen/ du swermptest nit mhe/du vnd deine  
gesellen/hielten fest die Concordia: Wan ich zu T. seß



hafft were/vnd west solchs von dir/so wölt ich deine Pie-  
 dig/wie der Papiſten meiden vnd fliehen/Aber darvon  
 gnug/Ich het schier gezürnt/vmb Gottes worts vñ hel-  
 ger geſchriſt willē. Beſehe dieſol. Kein hürer/oßon-  
 reiner/oß geiziger(welcher iſt ein Götzē diener)hat erbe-  
 an dem reich Chriſti vnd Gottes. Ergo. Tanzen iſt  
 ſünd. Also narguiert er hernho auch/ Du ſolt nit on-  
 keüſch ſein. Ergo man ſol nit tanzen. Habt nit ge-  
 meinſchaft / mit den onfruchtbarē wercken der finſtern-  
 iſſus. Ergo, *à baculo ad angulum*, tanzen iſt ſünd. Du ſolt nit be-  
 geren/deins nechſten weib/dochter/magd. Ergo. Gott  
 hats tanzen verpotten. Es müß ſich alles wol reymen/  
 der ſyn vnd meinung der Geiſß (ſolt ſagen des geiſts)  
 wils also haben. Der Tangleyt jme imerdar im opff/  
 Sarnho füret er dieſen grundt auff den Venus tang/  
 do wil ich ihn auch pleiben laſſen / er iſt on das nit beſſer/  
 Es gehört vör die Tünkhern zū Wenz / Vnd wan  
 die Münch vnd Nunnē in der Faſnacht Tanzen/  
 Oder wo der Venus diener mhe ſeint.

## Das XV. Capittel.

**F**erner/arbeit ſich W. Melchor / wie er alle ſprüch/  
 auß Gottes wort/do mit man das Tanzen kan er-  
 halten/also verkere/gloſyr vnd verlege / das ſie ſol-  
 chs nit geben können / Aber keinen regt er an / dan den  
 Eccleſiaſti. iii. Iſt das nit ein fein ſtück : Nit wol-  
 len richtig antworten/vnd dem der richtig antwort/ſein  
 wort falſch reütten. Doch ſehe drauff / ich wil dir etlich  
 mhe hieher zū ſammen binden.

Wan er geengſter wirt/es ſey nit alles Tanzē ſünd/  
 dan es haben David vnd Maria getantz on ſünd/kan-  
 er

ers nit verneinen / fladdert aber also darwidder. Ja/  
David hat aber kein schöne Venus an der hant geführt/  
Maria/hat kein Cupido oder Adonis fürgetantz. Wo  
do hinausz Sarumb/sollen man vnd frauwen/nit mit/  
einander tanzen / Oder / es sol kein frummer man / mit  
einer huren tanzen / Oder / es sol kein frumme frau/  
mit einem hüben tanzen / Oder / es sollen huren / vnd  
hüben nit miteinander tanzen / Ich konth soft nit denc/  
ken / was er nit meynet. Hie wer W. Melchor wol  
wert / das er weidlich veyirt wurd / vnd zu Wenz/  
beym Algesheymers bass studiret / Aber er veyirt sich sel/  
ber gnug/mit seinen verworrenen sinnen. David hat we/  
der Venus noch frumme frau/ an der hend geführt/do  
er vor dem Herrē Tanzt/ Er hat aber danoch on sünd  
getantz/ Vnd sein weib Michal / hat swerlicher gesün/  
diget / das sie nit auch mit getantz hatt / dan wan sie  
mit umbher gesprungen were / wie der Buchstab klar  
gibt. Also sündiget W. Melchor / vil mhe mit seinem  
freueln / vrtheiln vnd verdammen / dan wan er schon / an  
eimehrlichen Tanz sprüng. Mariam / hat kein Adon/  
nis / noch biderman / bey der hend gehabt / sie hat aber  
dannoch on sünd getantz/vñ andere bewegt zum Tan/  
zē/ **AN DER DRS. MÜß** er doch ein Mitter jr Kind  
auff d schos/on sünd tanzeln lassen/sie sing od pfeiff ihm.  
Aber was darff W. Melchors/onfletigs vol hertz/ Den  
David vñ Venus/Mariam vñ Adonis züsamen setzē/  
vñ sein erlogens fürnemen do mit wollen schünzen.

Die ordnung der Proceß/do David inen war/konth  
nit leiden/das Man oder frauwen miteinander Tanzen/  
ten / Dan es gingen die Mann besonder/die Jungen  
Sön besonder/die Weiber besonder/die Töchter beson

der / Vnd wie ich droben gesagt hab im anfang / Ich  
halts nit darfür/das Savid allein getantz hab/sonder  
mhe Man/vnd mhe Weiber/doch ieglichs an seiner ord-  
nung / Vnd were dem Savid on not gewest/nach einer  
huwern / solt sagen Venus ) zu greiffen / der frummer  
weiber / als die Abinoen vnd Abigail / gnug hett vnd  
mit dem helgen geist tanzet in dieser process.

Nun geschēhen die geistlichen vñ burgerlichen Tantz/  
noch mancherley lands brauch/Als / wan die Man / am  
reygen miteinander Tanzen/fassen sich bey den henden/  
in ein ring oder noch der leng in einer zeyl / vnd faren  
dan herdurch vnd widder herdurch / noch des spilmans  
schlag/Oder wan die Weiber sich bey den henden nemē/  
vnd gleicherweiß am reyen springen vnd Tanzen/  
Oder / do Man vnd Weib sich nit bey der hend nemen/  
sonder gegeneinander Tanzen / Oder do Mann vnd  
fraw/neben vnd miteinander Tanzen/wie wir Teltu-  
schen thünt/Nun ist ieglichs ein rechter Tantz/nach ge-  
legenheit der zeit vnd person / erlaubt oder verpotten/  
vnd wirt M. Melchors fürnemen/auß der ongleichheit  
nit bekräftiget/sonder desto gewaltiger vmbgestossen.

Aber mich dunckt M. Melchor / sey zu ghar heilig  
vnd gerecht/vnd in der selben heilikeit/vurteilt er vnd ver-  
dampt seinen nhesten onchristlich / Hat nit die liebe/  
welche das best hoffet / sonder denckt nurn arg / vurteilt  
args / als wan er zu Mertz / vndern Venus were / Alle  
seine rede geben dis / vnd wil jme nit onrecht thān / sein  
büch ist zeüge/Er meynet/Ein Erbare fraw / könd mit  
eheren nit Tanzen/Tanzt sie aber / so sey sie ein Hu-  
wer / oder wöll zur Huwern werden. Ein bidderman/  
könd mit ehren nit Tanzen/Tantz er aber / so sey er ein  
Büb/



Büb / oder welle zum Büben werden / Das geben of-  
fentlich seine wort / im andern grund / Sagt er doch nit/  
denckt auch nit dran / das ein frumms weibsbild / beim  
Tanz könd seyn / sonder nennets eittel Huwern / eittel  
Venus / die Wan / eittel Adonis / Ist dis whar wie W.  
Welchor sagt / vnd halt er würds nit sagen / wan ers nit  
wist oder glaubt / so wil ichs die Ihenigen lassen verant-  
worten / bey denen W. Welchior bis anher vnd noch Pre-  
diget / Vnd wie könth er sie schendlicher rügen / seine  
eigne Psarkinder / do er billich solt schand zü decken / Vor  
mich aber / Meine Psarkinder / vnd alle frumme leut /  
sag ich / das W. Welchor leügt / vnd vtheilt vnß onbil-  
lich / so lang bis er solchs war macht. Ich wil mit hie ab-  
brechen / so st wölt ich ghern gröber mit ihm reden. Noch  
hat er nit bewiesen / das alles Tanzen sünd sey. Noch  
hat er nit bewiesen / daß Gott verpotten hab / dan was  
er selbs richtet vnd flettert. Ich hab mit klaren / hellen  
sprüchen vnd exempel / in meiner Predig angezeigt / Wie  
es erlaubt sey / Wie es verpotten sey. Warumb nimpt  
er nit auch helle sprüche / Vnd ist jme nit nott / sein falsche  
vnd heüchlerische meinung / also zü stürtzen / mit sprüche  
die nichts do hin gehören. Wansagt. *Aligare inconueniens, non  
est soluere*, Wo man sich behelffen müß / do ist nit vil vber-  
rig / also ghetz jm auch.

## Das XVI. Capittel.

**D**arnho nimpt W. Welchor vörsich / den spruch  
im Prediger Salomo am. iiii. Tanzen hat sein  
zeit / Vnd wil drauß zwingen / das man nit sol  
Tanzen / das es sünd sey / das Gott verpotten hab / mit  
offentlicher deprauation des hellen texts / Siehe aber

wie er sich mit peiniget / vnd muß es doch pleiben lassen  
solt er doll werden. Spricht erstlich / Wir ziehen den  
spruch / felslich vñ fleischlich / auffß Venerisch oð huwe  
risch Tanzē / do leügt er abermal / dan es thüts niemāt /  
Wie plagen ihn doch die huwern immerdar am Tanz.

Zum andern / Müß er on sein danck bekennen (welchs  
er doch zñ Helmstat nit thün wolt) der spruch sey recht  
verdolmetscht / Tanzen hat sein zeyt / Soch sagt er / es  
heißt auch hupffen vnd springen. Wie deücht dich nun  
Ich sag Salomo an diesem ort / erlaube den Burgern  
lichen Tanz / So wil W. Melchor / es heiß auch hupf  
fen vnd springen / Wer sagt nein darzü ? Wer darff die  
ser seiner kunst ? Soch mag man am ehrliehen Tanz /  
das hupfen vnd springen nit wol leiden / sonder sein  
züchtig vmbher faren / das nit im springen oder im  
sprengen die fleider vbersich faren / wie die Bauern kol  
ben tanzen. Also müß W. Melchor / diesen spruch des  
helgen Geists / lassen whar vnd onuerückt pleiben / doch  
welt ers ghern erger machen. Alles ander gewesch / hie  
bey / ist nit einer Leüß wert. Er wölte ghern / Doctor  
Luthern / in dar dolmetschung zwacken / oð ein frembds  
glößlin dichten / so ist im der Esel zñ schlecht. Der einig  
Nicolans de Lira / wie gering ihn diese künstler achten /  
verlegt es / vnd weiß in heden Tausent Melchor. Wie  
kumpt aber / das er an diesem ort allein das wort tanze  
siehet / Vnd nit auch was folget / HAT / HAT /  
SEIN ZEIT. do springt er hinüber / wie dz Kalb  
vbern Keyn / vnd meint es hab kein nort / Kolad / sagt  
er / heißt nit allein Tanzen / Ergo. man sol nit Tanzen /  
Ja Ja / sonder springen vnd hupffen / Gibts das nit  
Lieber so mach du jung Lämmer vnd Kelber drauß /  
die

die on sünd/hupffen vnd springen/vor welche Salomo/  
dis geschrieben hab. In meiner Predig vor zwölff Jarē  
gethan/hab ich also von diesem spruch gelet.

Ein gleicher zulaß/ist auch mit dem Tanzen/Sas  
beweist Salomo/do er spricht/Klagen hat sein zeit/  
Tanzen hat seyn zeit. Was seyn zeit hatt/das mag  
geschehen wan sein zeit kumpt/wie wir sehen in den an-  
dern stücken/die Salomo do selbs setzt/Vnd diese bede  
stück/Klagen vnd Tanzen/hat Salomo auß dem ge-  
setz genommen/wie auch die andern Klagen/Wan Gott  
sein zorn in Krieg/Teiwerung/ließ sehen. Joelis. ii.  
Tanzen/wan Gott sich gnedig auch in eüsserlichen ga-  
ben erzeygt/Wie geschrieben stede/das die Israeliten in  
iren wolleben/allerley ehrlich kurzweil macht hette/wie  
wir auch an der Mariam vnd David sehen. Siesen  
spruch auß dem Salomo/verdrehen die Tanzverpier-  
ter also. Es sey wol whar/Tanzen hab sein zeit gehabt.  
do wir noch in irthumb gelegē seyn/abernun nohe eröff-  
neter warheit/heiß es auch auffhören od nit mhe tanze/  
hab seyn zeit. Siehestu: Wie dunckt dich/gelt sie tref-  
fens: Lieber sag mir/in was irthumb ist Mariam gele-  
gen do sie den reygen gefürt hatt: Warumb liegen sie  
auff den Salomo/Tanzen hab sein zeit gehabt/so doch  
stedt/Tanzen/hat/hatt/sein zeit/Wo finden sie aber  
ihr Antithesin oder gegenwurff im Prediger/Auffhören  
oder nit mhe Tanzen hab auch sein zeit: In irem gens-  
kopff/Warumb schliessen sie nit auch in den andern stuc-  
ken also/Geporen werden/hat sein zeit/Nit mhe gepore  
werden/hat auch sein zeit. Bübenwerck/ists also Gots  
tes wort herauß ziehen/vnd dein Teuffels dreck/anstat  
fleiben. Tanzen/hat nit auffhören oder nime Tanzen.



zum gegenwurff/ wie sie liegen/ sonder/ wie ich ihn hab  
angezogen/ Klagen hat sein zeit/ Tanzen hat sein zeit/  
So muß das Klagen hinweg/ das Gott gereth hat/  
vnd ihr verkert auffhören oder nit mhe tanzen anstat  
sten/ das kan mir ein böß stücklin seyn. Sprechen sie  
aber/ das Klagen sey das auffhören/ so wissen sie woll/  
das die ordnung hie nit leyden mag/ Vnd noch mhe wis  
sen sie ( sie seyen dan ghar onsinig ) daß Klagen nie  
alwegen weret/ also auch das Tanzen. Wan der hellig  
Geist/ hât wellen das Tanzen verpietten mit dem  
spruch/ so hetten diese leüt nit dörffen leren reden/ Er  
wurd wol gesagt han/ Tanze hat kein zeit/ so weßt man/  
daß verpotten were/ Vñ würden auch die andern spruch  
an diesem ort/ also verkert sten/ do mit das nichts ganzo  
in der welt plieb. Das sag ich abermal mit das mir das  
Tanze/ welchs zū vnsern zeittē/ schendlich mißpranche  
wirt/ so wol gefall/ sonder darwidder red ich/ das sie so  
heylosnaren/ vnd verpietten bey verliering der seelen  
heill/ das Gott nit hat verpotten. Dis seint dozumal  
meine wort gewesen/ die sol mir W. Welchor nit können  
verlegen/ ich weys. In seinem büchlin/ kan er hie bey/  
auch den spruch Jeronimi/ nit on befletert lassen/ so  
ghar ist jme nit zū trauwen/ wan er etwas allegirt.

## Das XVII. Capittel.

**E**rner lehnet sich W. Welchor wider die/ so do sa  
gen/ Tanzen sey/ *res media* (oder *res indifferens*) Nun ich  
hab der wort in meiner Predig nit pranche/ dan ich  
redenit ghem in frembder sprach mit dem Teütschenle  
ser oder zühörer. Doch hencft er hie hūan/ meiner wort  
etlich/

etlich/nemlich diese/Also die Tantzgen sündigen nit/ wie  
auch die/so nit Tantzgen/nit sündigen. Diese wort seint  
mein/aber W. Melchor/zeücht mir sie anderst an/dan  
ich sie gereth oder geschriben han. Auff das solchs der  
leser wyß/so hab ich also darvon gereth.

Hie möcht nun einer sagen/Lieber du sprichst/Gott  
hab das Tantzgen nit verpotten/mit düren/aufgetruck  
ten worten/Weise du mich auch/wo es Gott gepotten  
hab/weil du so hart drumb streitest. Antwort. Gott hat  
das Tantzgen nit gepotten/San wo es Gott gepotten  
het/so wer jederman schuldig zu Tantzgen/Vnd hetten  
alle die gesündiget/die die lade des hern halffen führen  
mit dem David/vnd Tantzgen nit wie er thet. Gott  
hat aber das Tantzgen nit gepotten/darumb haben/die  
nit Tantzgen nit gesündiget/wie noch die nit sündigen/  
die nit Tantzgen/als wenig als die do Tantzgen. Wie ist  
im aber dan: Also ist ihm. Gott hat das Tantzgen zugev  
lassen (oder erlaup) vnd nit gepotten noch verpotten.  
Nun ist ein grosser vnderscheit/zwischen ein zulass vnd  
gepot Gottes/Was Gott zulässt/oder freylest in jederu  
mans wilkor stehn/do sündigen die nit an jm selbs/die  
es thün oder nit thün/dan es ist jhn frey/Was aber  
Gott gepeüt/das sol vnd muß man halten(vnd ist kein  
zulass oder freyer wilkor do) so st verdint man mit der  
vbertretung die ewig hell. Aber also ist es nit mit dem  
Tantzgen/dan es ist kein gepot Gottes/Was ist es dan  
es ist ein zulass Gottes/wer es thüt/oder nit thüt/die  
sündigen bede nit. Das wellen wir nun in gleichen zules  
sigen fellen/auf dem Alten vnd Newen Testament  
beweyßen.

Im fünfften buch Mosi. am. xviii. Cap. stede geschriben / Wan jemand ein weib nimpt vnd ehelicht sie / vnd sien nit gnad finnt vor seinen augen / vmb etwa eins onlusts willen / so sol er ein scheidbrieff schreiben / vnd iren die hant geben / vnd auß seinem hauss lassen. In diesem spruch / sehet ihr ein zulaß der scheidung / zwischen Man vnd Weib / die sich nit wol mochten beyeinander vertragen / ergers züuerhütten. Wan nun einer diesen scheidlichen zulaß / ob er wol auß dem gsatzfüg darzü gehapt / nit volnystreckt hett / sonder sich mit seinem weib gelittet / die im Gott hat geben / der hett onzweiffel widder diesen zulaß nit gesündigt / Des gleichen / der es thon hatt / hat auch nit vor der welt strefflich gesündigt / Das das whar sey / so besehe wie Christus diesen ort handelt in Mattheo. xix. do er spricht / Moses hat euch erlaupet zü scheyden von eiuern weibern / vmb eiuers hertzen herttheit willen / von anbegin aber ist es nit also gewest. Des gleichen findstu vil im alten Testament / do die tolen köpff vberhin faren / nit sehen was gepott / oder erlaubungen seyen.

Nem noch eins auß dem Neuen Testament. Paulus zum Timotheo / nents Teuffels lere / die Ehe vnd speys verpietten. Nun wißt ihr wol / das Gott wedder Fisch noch fleisch hat gepotten zü essen / sonder freywillig einem jeglichen gelassen zü essen / was er hat / Sanhet er gepoten Fisch allein zü essen / so sündigten die / die fleisch essen / Hett er gepotten fleisch zü essen / so sündigten die die Fisch essen / Nun aber hats Gott beyde zü gelassen vnd der keins in gepott oder verpott verfasst / Wie wir lesen im ersten buch Mosi / das Gott sprach zum Noha. Alles was sich reget vnd lebet / das sey eiu  
wer



wer speys/ wie das grüne kraut hab ich euch alles geben.  
Vnd Christus spricht/ Was zum munde inghet/ veront  
reinigt den menschen nit. Wan mich nun einer/ wels zu  
der einem allein zwingen bey Gottes gepott/ dem welt  
ich ein schnallen darvor schlagen/ wie billich/ des gleichē  
findstu mhe im Newwen Testament. Ein gleicher zu  
lässt auch mit dem Tanzen. *Vi supra. Cap. xvi.*

Sis seint dozumal geweest meine wort/ lassen sich noch  
also hören vnd vrteilen/ von bescheidenen vnd geleerten  
leuten. Wie aber vnd mit was grundt stoßt er sie vmb?  
Nit mit ein finger regt er sie an/ Allein er sagt etwas  
darzu/ das man nit denck/ es mangel ime an Worten.  
Soch wil ich mich der wort annemen/ Tanzen sey (*res  
media uel indifferens*) das ist/ welchs zu seiner zeit geschehen  
mag/ oder vnderlassen mag werden/ on sünd. Vnd ist  
recht/ das man W. Welchor inmerdar fragt/ wo hat  
Gott das Tanzen verpotten? Zeig schrifft an/ wie ich  
zeyg/ das Gott erlaupet hab. Proba. So antwort er vñ  
spricht. Ists Tanzen (*res media*) warumb verpott dan  
die Oberkeit? Gelt hie ist bewert/ das Tanzen sünd vñ  
nit (*res media*) sey/ Darzu sag ich also/ Tanzen ist (*res media*)  
welchs kein Oberkeit (als ein sünd vnd verpott Gottes)  
zünerpietten hatt/ wie W. Welchor die Oberkeit beteü-  
het/ Sonder weil Salomo spricht/ Tanze hab sein zeit/  
so gepürt der Oberkeit/ den Predigern/ vñ ein jeden gott  
seligen haufvatter/ dieser zeit warzünnen/ Vnd das  
Tanzen nit zü zulassen/ nit da umb das es sünd sey/ son-  
der das solch zeit die recht nit hab/ Vñ wirt d' umb kein  
Trüffels lere drans/ man sol an h gottseliger Oberkeit/  
W. gewissen nit besweren/ noch sünd machen/ do Gott  
keine hat gemacht. Geselt die W. Welchor nit/ so zank  
h

erlich mit dem Helgen Geist / der dis durch Salomo  
redt / Vnd mit Joel Cap. ii. der auch hochzeyten vnd  
alle freud verpott in zeit der trübsal. Sergleichen welt  
ich dir mhezeigen wans nit zū lang wurd.

Aber eins wil ich noch nemen / zū besserung der Chri  
sten / Die Ehelich pflicht / so ein ehgemahel / dem andn  
schuldig ist zū leisten / hat auch ihre zeit. Wie Salomo  
spricht im Prediger am. iii. Cap. Herzen hat seyn zeit /  
Weit sein von hertzen / hat auch sein zeit. Wöcht einer  
sagen / Warumb verpeüt Salomo / das Gott nit hat  
verpotten: Antwort. Salomo redet hie nit in seiner per  
son / sonder redet des helgen Geists wort / Welcher nit  
verpeüt / dz Gott erlaup. Wie ist im dan: Also / frum  
me ehleüt / leben miteinander / wie sich gepürt / noch dem  
spruch / Herzen hat sein zeit / Vnd wie Paulus sagt /  
Leistet cyns dem andern die schuldige pflicht. Wan  
aber die zeyt kumpt / Weit sein von hertzen / thünt sie  
solchs auch / Nit als das sünd sey / sonder das solch zeyt  
dis recht nit wil haben. Also gepot Gott / sich zū enthal  
ten von weibern / do er die zehen gepot wolt geben. Exo.  
xix. Also gepeüt Joel / der breutgam sol auß seiner kam  
mer ghen. Also sagt Paulus / Enzihe sich keins dem  
andern / es sey dan auß beider bewilligung / ein zeytlang /  
dz ihr euch müßfiget zum fastē vñ zum betten. i. Cor. vii.

Sanct Paulus senzt etlich fel. Rom. viii. i. Cor. viii.  
darin güt sey / kein fleisch essen / vñ kein weyn zū trünckē /  
Vnd sagt doch. i. Thim. iiii. Es sey Teüffels lere /  
speyß verpieten. Ist er dan widder sich selbs: Nein /  
Nein / Sonder er lests jme wolgefallen / das ein Christ  
jme etwas abbrech / vmb gots oder des nechsten willen /  
noch gelegenheit der zeit / des orts / vnd der person / Nit  
als

als das es sünd sey/dan solchs were Teuffelsch lere/son-  
der/das zu diesem mal nit wil nütz seyn.

Also stets auch mit dem Tanzen vnd Kurtzweilen/  
Verpeits ein Oberkeit / als das sünd sey / die thüt on-  
recht/irrt sich/vnd hilfft Teuffelsch lere hanthaben/dan-  
rumb das sie verpeit/welchs Gott erlaupet vnd frey ge-  
lassen hat/wie dan W. Melchor leret vnd treybet. Ver-  
peits aber ein Oberkeit/zü gelegener zeit/wie gnugsam  
gesagt / so thüt sie recht vnnnd gottgefellig / Dan der  
hellig Geist im Salomo / der ein Oberkeit ware / legt  
ihn diese sorg heim / der zeit whar zunemen / auff das  
auch andere/solchs vō ihm sehē vñ lernen. Siehe das ist  
*Res media*, ein ding welchs man on sünd / thün oder lassen  
mag / noch gelegenheit der zeit / des orts / vnd person/  
wie sich dan verstendige leüt / wol wissen dohinein zü  
schicken. Ich siehe das W. Melchor noch nit weys was  
(*res media*) sey/er wurd soft nit so ongeschickt darnon redē/  
verstet sich eben drumb/wie ein Kūw vmb ein muscar.  
Dan siehe wie er her nho spricht / Das Tanzen/gleich  
wie huwern/sauffen/schampare wort/vñ leichtfertigkeit/  
sünd vnd onrecht sey. Probat. Lieber wie ist Tan-  
zen kein sünd/so alle vnser gerechtikeitten vor Gott on-  
rein seyn. Hec ille. Lieber lach nit/Alle vnser gerecht-  
keit/Heist/all vnser Tanzen. Ich müß wollich lachen/  
Vnd wan ich Latinisch schreib/könth ich verpiren nit las-  
sen. Zü dem ist es ein schendlich lügen / das er Tanzen/  
dem huwern gleich setzet/Wo sint er im Salomo/Hu-  
wern hat sein zeit? Siehestu / mein Christ / das ich im  
ev. Cap. recht geurteilt hab.

## Das XVIII. Capittel.



**E**s leit auch M. Melchor im wege / die hochzeit  
zu Cana / darauff Christus / sein Vutter vnd Jun-  
ger gewest seint / darumb das ich gesagt / außkund-  
schafft der schrift / der Hebreer vñ der Juden / man hab  
auff dieser vñ andern hochzeiten / auch wollebē / getantz /  
dieweils ihnen nit ist verpotten gewesen / so hats Chris-  
tus nit geweret. Darzu sagt M. Melchor / Nein / es  
sey on grundt der schrift gereth. Frog ihn / Haben sie  
sie auch zuessen gehabt / auff dieser hochzeit / spricht er  
Ja / So sag ich Nein / Er redets on grundt der schrift /  
Dan es nit stet im Euangelio / sonder sie haben weyn  
getruncken / biß sie nichts mehr hetten. Frog ferner / Ha-  
ben sie auch gelacht / auff dieser hochzeit. Spricht er Ja /  
sag ich nein / die schrift sagts nit. Item / Seint sie auch  
schlafen gangen / Nein / die schrift sagts nit / so sitzen sie  
aber noch beym weyn. Ich siehe das M. Melchor mit  
mütwillen irret / drum kan ich nit gürtig seyn / wie wol  
nott were / Das er züchlichen sachen / kein ehliche vmb-  
stend wil zulassen. Aber las ihn faren ghen Wenz in  
die Carthaus.

Hie bey sagt er noch ein grosselügen. Die Juden  
haben das Tanzen gelernt von den Heyden. Wo stets  
geschrieben / Hinder dem Offen / So wenig die Juden im  
Alten Testament / die rechten waren Gotsdienst / von  
Heyden gelernt haben / so wenig haben sie auch von ih-  
nen gelernt das Tanzen / Sonder wie der Satan / im-  
merdar Gott noch eiffert / also hat er die gotsdienst von  
den Heyden verderbt / mit aller erlaupen freud vñ  
kurtzweilen / Solchs haben etlich böse Judengeschen /  
vñ ihn lassen gefallen. Wie ds klagt der. cvi. Psalm /  
vñ spricht / Sie mengten sich vnder die Heyden / vñ  
lerneten

lermeten die selben werck / Vnd dieneren frengötzen / da-  
gerietten ihn zum ergernis. Aber der spruch / Tanczen  
hat sein zeit / ist nit des Teuffels spruch / sonder des helgē  
geists / Salomon hat ihn auch nit bey oder von den heu-  
den gelernt / sonder aus treybung des helgen Geists /  
So wol als Jeremias vnd Zacharias.

## Das XIX. Capittel.

**N**ach diesem / Ströset W. Melchor dem was den bo-  
den ghar auß / ober nuch armen Kargen / spricht also.  
so. Ferner möcht ein Tenzger sagen / Ein Christ  
kam neben dem Christenthumb / auch ein Burger seyn.  
Nun ist Tanczen ein burgerliche kurgweil / wie essen vñ  
trinken / Darumb mag ein Christ wol Tanczen / wie es-  
sen vñ trinken / on sünd. Der Christ bettet / Höret Prie-  
dig / glaubt Gott ꝛc. Gibt also Gott was Gott zu ster-  
het. Der Burger isset / trincket / wacht / reysset / tanczt ꝛc.  
gibt also dem Keiser / was des Keisers ist. Sz ist dz ein

Wer solchs fürwendet / ist eigentlich der Knaben einer /  
die do sagen / Ob schon ein brüder mit einer sweister kurg-  
weilet ꝛc. so sündiget nur das fleisch / aber nit d̄ Geist ꝛc.  
Also dieser tenczer / Tanczet als ein burger vnd Keiser-  
licher / noch dem fleisch / Aber als ein Christ hebt er auff  
reine hende / sampt seiner schönen Venus am Tanz /  
vnd bettet mit grosser andacht / das ihn keiner ab stos.  
Das ist anders. Heccille.

Vom ersten hab ich also gesagt in meiner Predig.  
Also siehestu / wie faul vñ los sent die elenden Münch-  
schen geister in diesem stück / vnd all ihr grundt onnütz  
vnd widder Gottes wort / Es selet ihn aber eins / das  
wol etlichen dapffern leütten selet / Das ist / Das sie nit

wissen/zū vndscheiden/ Zwischē einem burger vñ einem  
Christen/ Meynē also/ ein Christ mög kein burger seyn/  
oder ein burger mög kein Christ seyn/ Welches ghar ein  
auffrürische vnd zeriüttrische meinung ist/darzu Wider  
taufferisch/ Vnd so sie wol sprechen/ sie seyen nit also  
(welchs ich dan zūgib) so gibts doch ihr rede/wie ein jed  
draus kan vernemen. Saraus solt ihr diesen bericht  
han/ Das ein Christ/wol mag ein Burger seyn/vñ ein  
burger ein Christ/mag auch ieglichem ampt bey ihn  
selbs gnug thūn/ Der Burger/schlafft/ isser/trinckt/  
wacht/reyst/tantz:c. Sargegen/ der Christ/better/  
glaubt Gott/hört Predig:c. Vnd gibt also Gott was  
Gottes ist/vnd dem Keiser/was des Kaisers ist/vnd  
hindert doch keins das ander. Also ist auch in dieser  
sach/Aber daruō wellen wir ein besondere Predig thun.

Dies seint meine wort gewesen/sollens auch noch plei  
ben/Welche W. Welchor nit kan vmbstossen/dan mit  
einer offentliche/vnd erlogenen smachrede/Aber ich hab  
recht gereth in dieser teylung vnd vnderscheit/eins Chri  
sten vnd eins Burgers/ Habs auch nit von mirselbs er  
dacht/sonder hab gelesen/in vielen büchern/das es also  
brauchen die aller geleertisten/die iezunder Germania  
hatt. Das aber solch distinction W. Welchor nit ge  
felt/zeigt er do mit an/das er ein grober Esel ist/Wel  
chem nützer were/ander leüt bücher zū lesen/dan seine  
Fletter bücher/der welt darzustoßen. Ich hab mir diese  
distinction wol lassen gefallen/nach auff diesen tag/Nit  
der leüt halb/sonder das sie in Gottes wort gegründet  
ist/vnd nütz die verwomen gewissen zūnerichten/wie  
ich wol erfarn.

Solchs hat mich gelet/mein lieber her vnd heylant  
Jesus



Jesus Christus/der auff der hochzeit zu Cana / kein ster-  
rentopff auffgesetzt / sondt sasz do wie ein ander burger/  
lies ime alles gefallen/was zu ehren geschah/halff auch  
selbs darzu / mit dem aller besten weyn/ ist selbs zu gast  
gangen/hat mit gezeret/also das ihn W. Melchors ge-  
sellen/ drumb tadelten / er were ein Weynseuffer. Es  
hatt michs auch gelert / Sanct Paulus. i. Cor. x. Wel-  
cher die Christen also leret/ So jemand von den onglau-  
bigen euch ladet ( gesweig von den Christen ) vnd ihr  
welt hin ghen / so esset alles was euch furgetragen wirt.  
Wie lieber Sanct Paule? Sollen sie sust nichts thun  
mhe/wan sie den leutten zu ehren ghent/dan allein essen?  
sollen sie nit auch trincken? oder sollen sie Sterrentopff  
vnd Wendenschimpff seyn? Nein/Sonder also sagt er  
Rom. xii. Freuwet euch mit den frolichen / vn weynet  
mit den Weynenden. Das ist / Wan ihr den leutten zu  
lieb vnd leid gehet/so haltet eich/wie die leut / do bey ihr  
seit / Wendet nit / was zu ehren geschicht vnd gehort/  
Wie Christus than hat / der whar zu Cana frolich.  
Aber mit Martha vn Maria Weineter. Johannis. xi.  
Also hat mich auch gelert/der Sirach am. xxxii Cap.  
spricht/Schilt deinen nechsten nit beym Weyn/vnd sme-  
he ihn nit in seiner freude / Gib im nicht bose wort / vnd  
begegne im nit mit harter rede / Sonder halt dich gleich  
wie sie/vnd richt dich nach ihnen / so sigestu recht / Vnd  
gib darzu was dir gepurt / wiltu mit sigen / auff das sie  
mit dir frolich seyn mogen/ So mit du die ehre darvon  
kriegest / das man dich einen sittigen / holt seligen man  
heiß. Solchen schulmeistern hab ich in meiner distink-  
tion gefolgt/do mir aneittung haben geben/die/welche  
iezunder/der Christenheit Preeceptores seint.

Ich kenne ein frummen Christen man / der gab vor  
kurzen Jaren ein dochter hinweg / vnd lud mich auff die  
hochzeit / do man nun gessen het / stund der Vatter auff /  
vnd sieng den Tanz an / Vnd im tanzen / sahe ich vnd  
andere / das ime das wasser auß den augen lieff / vnd wei  
nen / Doch dem Tanz / sagt ich zu ihm / Lieber warumb  
habt ihr am tanz geweint / Antwort er mir / Warlich  
ich hab vor freunden geweint / vnd Gott in mein hertzen  
gedanckt / das er mich hat lassen ehre vnd freude an  
mein kind erleben. Sermassen / hab ich mein tag / man  
chen ehelichen Tanz gesehen / daran / frum / erbar / Man  
Weiber vnd Jungfrauen waren. Hat solchs M.  
Welchor nit gesehen / so kan ich nit dencken / wo er bey  
de leutten gewesen sey / Es were da in fraw Venus bergt.

Vom andern / Suche mich M. Welchor / mit einer  
sweren smach vnd onrecht / Sar auff sag ich also / Das  
nit whar sey / Es hat michs auch mein lebenlang / kein  
bidderman / mit der warheyt nie zeihen können. Ich danck  
Gott / der mich armen sunder bißher gnedig behüt hat /  
vor Swermerey / Widdert auff vnd andern irigen se  
cten / So bin ich den blutschandten vñ hunds hochzeiten /  
herzlich gram hab ernstlich darwider geschrieben vnd  
geprediget. Vnd dieser heuchler / der keyn Ehrlichen  
Tanz sehen kan / darff sein lügen maull wider mich auff  
speien / zu wider dem achten gepot Gottes / Vnd wo  
ich also erplundet / oder gestorbe were / hette diese schand /  
auff mir beruhen müssen / in die welt / durch den Truck  
aufgeschütt / Aber also ghehe den heuchleru / vnd wirt  
den schalken noch anderst sehen lassen. Wer mein leben  
weyß / mein lere hört / Edel vnd oneddel / sampt meiner  
Kirchen / die wissen das erleigt / Darbey laß ichs auch  
pleiben /

pleiben / Es hat dieser mensch ein hertz / voller onzucht/  
drumbghets mit so onfletigē wortē vñ gleichnissen vber.

Sarnbo verdreüßet ihn/das ich das Tanzen/ vnder  
die Burgerlichen werck/ als essen/trincken/reysen/gemü-  
scher hab/vñ dunckelt ihn ia nit recht seyn. Ich wölt aber/  
das erwan ein Rauffman zu Franckfort / diesem löst-  
lichen Prediger/ein sack vol nießwurtz schencket/vnd ein  
dunget pullen/ ob im das hirn vnd die augen / leütterer  
welten werden/ die helge schrift baß zu lesen. San ich  
hab das nit von mir selber than/ Es hat michs also ge-  
leret der hellig Geist/durch den Salomo Ecclesiasticus  
iii. vnd dem hab ichs noch gethon. Liese Melchor: liese/  
Sehe drauff/leg den Esel neben dich/ Ob nit das Tan-  
zen stehe/neben vnd vndern wercken/ die burgerlichen le-  
bens / als geporn werden / Streitten etc. Lieber ließe es  
doch / rumpel nit so obenhin. Ists Tanzen kein werck  
des glaubens? Wo pleibt dan Dauid vñnd Mariame  
Lieber jre doch nit also. Warzū ist lachē nütz/ Weynē/  
Zerreyssen / Widerzūnehen / die auch im Salomo stent  
Es solt doch etner seiner bedingung/nit so gröblich ver-  
gessen wan er anderst fünff syn het.

## Das XX. Capittel.

**G**leest sich M. Melchor: hie bey hören / als welle er  
nit wider alle ehrliche kurtzweil reden/ verdampft  
doch nichts destoweniger / Aber wie sol man frölich  
seyn/das ein solchen heüchlergefalt also wunderbarlich cir-  
celt vñd ortert er ab die freuden / das ihra gleichen nit  
wüß in der welt pleiben/Lieber/heyß ihn auff ein zettev-  
lin schreiben/ vñd der welt zu wissen thün/ so wellen wir  
die newwe kunst der freuden auch lernen/ weil jme die al-



zen nit gefallen. Ich acht / wan einer welt / noch diesem  
heuchel geist frölich sein / so müßt er sich selbs fügen / ob  
müßte ghen noch dem spruchwort / Krach hertz vnd trach  
nit / Sey frölich vnd lach nit / Fall die stegen ein vnd rum  
pel nit / Oder / wie willen sie doch ein frölichen menschen  
abmalen / das er noch irem gefallen geformt were. Ja  
spricht er an diesem ort / Wan findet die do sagen / Ehe  
Tangen solt vnderbleiben sie welten ehe dem Pfeiffer  
lonen / vnd mit iren Gerten den vorteyen haben ic. Hie  
verfelscht er mir abermale meine wort / San also hab  
ich in meiner Predig dis gereth vor zwölff jaren.

Sarumb lieben freund / wan man euch das Tangen  
wil verpieß / als auß Gottes verpott / beschüt ab die Pf  
fen / so Tanget ihr / doch mit gepürlicher zucht / den elen  
den menschen zu leydt / Vnd kanst dir dein gewissen also  
trösten / Liebet laß den plauderer sagen / was er will /  
Was mir Gott erlaubt hat / dz sol mit niemant weren /  
Vnd ich sag vor mein teil / wan mirs gesche / von diesen  
rollen köpfen / so welt ich erst ein Pfeiffer bestellen / vnd  
selbs umbher faren / auffs best ich könth / Vnd hieher auß  
sehet ihr auch / das faul gesweg / dz vor zeyt die Münch  
Predigten / so manchen sprung einer am Tang thet / so  
manche staffel sprung einer in die hell / Auß welcher grund /  
auch dieser tanzuerpietter anschlag erwachsen ist / Es  
heißt / all ding hat sein zeyt. Hie mit wil ich niemant die  
thür auffgerhon haben zum müßwil / San ich mich nun  
offt bedingt hab / kein mißbrauch zu billichen.

Sie sag ich noch / lere es noch / nit allein mein kirchen  
volck / sonder alle Christen / das sie diesem heuchel geist  
nit gehellen / sünd zu machen / do Gott keine hant ge  
macht / Sie wollen dan in der Münch vñ Widertauß  
art

art geratten/welche dieser plag voll seint.

Am ende / welt er ghern sagen / Gott strafft die leüt  
vmb das tanzes willen / vnd am Tanz / Aber der graw  
thut ihm/er kochte wol so heylos vndereinander/ Sarn  
zu were im fast dienstlich *Discipulus in Promptua id exemplorum*,  
hat ers anderst nit drauß collegirt. Sarnauff sag ich/  
Gott der her strafft allen mißbrauch / alle onmaß / dor  
mit man verderbet seine gaben vnd erlaupnis / es sey in  
freud od in leit/darvñ hab ich also gelet in meiner predig

Den Tanz verpöetern felt das/ Sie solten bewiesen  
haben / das Gott vmb solicher mißbreuch willen / von  
ihn gezogen das Tansen verpöet hab/ wie ich be  
wiesen hab/ das es Gott hab zügelassen/ Das werden  
sie thun/auffs Teuffels himmelfarts rag. So wirt nun  
kundtbar auß diesem / das der mißbrauch des Tanges/  
welcher onrecht ist / dem zülaf Gottes im Tanz nichts  
benimpt/das wellen wir beweysen/ auß ihm eigen zeügu  
nissen / das man sehe wie sie liegen/ wan sie sprechen/  
Gott hab Israel gestrafft/an dem ort/ vmb ihres Tan  
ges willen. Nit also lieben hern / man weyß anderst/  
Hatten sie nit frembde Götter auffgericht vñ angebet/  
Gott het sie des Tansens halbē nit gestrafft/Beweist  
Sanct Paulus i. Cor. x. der diese historien also an  
zeücht / Werdet auch nit abgöttrisch / gleich wie iener et  
lich wurden/als geschrieben stet/Das volck setzet sich ni  
der zü essen vnd zü trincken / vnd stünden auff zü spielen.  
Wie sehet ihr/das Sanct Paulus nit strafft/essen/trin  
cken/sitzen/tanzen/sonder allein die abgötterey / vnd die  
stück/so fher sie der abgötterey zü ehren geschahen/Das  
spricht Moses selbs/Ex. xxxii. Der her plaget dz volck  
dz sie dz kalb hatten gemacht/welchs Aaron het gemacht.

ren nit gefallen. Ich acht / wan einer welt / noch diesem  
heuchelgeist frölich sein / so müst er sich selbs kugeln / ob  
müste ghen noch dem sprichwort / Krach hertz vnd trich  
nit / Sey frölich vnd lach nit / Fall die stegen ein vnd tum  
pel nit / Oder / wie willen sie doch ein frölichen menschen  
abmalen / das er noch irem gefallen geformt were. Ja  
spricht er an diesem ort / Wan findet die do sagen / Ehe  
Tanzgen solt vnderbleiben sie welten ehe dem Pfeiffer  
lonen / vnd mit iren Gerten den vorzeyen haben ic. Hie  
verfelscht er mir abermale meine wort / San also hab  
ich in meiner Predig dis gereth vor zwölff jaren.

Sarumb lieben freund / wan man euch das Tanzgen  
wil verpieren / als auß Gottes verpott / beschür ab die Pf-  
fen / so Tanzt ihr / doch mit gepürlicher zucht / den elen-  
den menschen zu leyde / Vnd kanst dir dein gewissen also  
trösten / Liebet laß den plauderer sagen / was er will /  
Was mir Gott erlaubt hat / dz sol mir niemant weren /  
Vnd ich sag vör mein teil / wan mirs gesche / von diesen  
tollen köpfen / so welt ich erst ein Pfeiffer bestellen / vnd  
selbs vmbher faren / auffß best ich könth / Vnd hieher auß  
sehet ihr auch / das faul geswetz / dz vor zeyt die Münch  
Predigten / so manchen sprung einer am Tanz thet / so  
manche staffel sprung einer in die hell / Außwelchẽ grund /  
auch dieser tanzuerpietter anschlag erwachsen ist / Es  
heißt / all ding hat sein zeyt. Hie mit wil ich niemant die  
thür auffgerhon haben zum müßwil / San ich mich nun  
offt bedingt hab / kein mißbrauch zu billichen.

Sie sag ich noch / lere es noch / mit allein mein kirchen  
volck / sonder alle Chrysten / das sie diesem heuchelgeist  
nit gehellen / sünd zu mach en / do Gott keine hatt ge-  
macht / Sie wollen dan in der Münch vñ Widert auß  
art



art geratten/welche dieser plag voll seint.

Am ende / welt er gheyn sagen / Gott strafft die leute  
vmb tanzen willen / vnd am Tanz / Aber der graw  
thut ihm/er kochte wol so heyloß vndereinander/ *Saru*  
zu were im fast dienstlich *Discipulus in Promptua io exemplorum*,  
hat ers anderst nit drauß collegirt. Sarauff sag ich/  
Gott der her strafft allen mißbrauch / alle onmaß / do  
mit man verderbet seine gaben vnd erlanpnis / es sey in  
freud od in leit/daruß hab ich also gelet in meiner predig

Den Tanz verpöetern felt das/ Sie solten bewiesen  
haben / das Gott vmb solicher mißbreuch willen / von  
ihn gezogen das Tanzen verpöet hab/ wie ich be  
wiesen hab/ das es Gott hab zügelassen/ Das werden  
sie thun/auffs Teuffels himmelfarts tag. So wirt man  
kundbar auß diesem / das der mißbrauch des Tanzes/  
welcher onrecht ist / dem zülaß Gottes im Tanz nichts  
benimpt/das wellen wir beweyßen/ auß ihren eigen zeügu  
nissen / das man sehe wie sie liegen/ wan sie sprechen/  
Gott hab Israel gestrafft/an dem ort/ vmb ihres Tan  
zes willen. Nit also lieben hern / man weyß anderst/  
Retten sie nit frembde Götter auffgericht vñ angebet/  
Gott her sie des Tanzens halb nit gestraffet/Beweist  
Sanct Paulus i. Cor. x. der diese historien also an  
zeüht / Werdet auch nit abgöttisch / gleich wie iener er  
lich wurden/als geschrieben stet/Das volck setzet sich ni  
der zü essen vnd zü trincken / vnd stünden auff zü spielen.  
Wie sehet ihr/das Sanct Paulus nit strafft/essen/trinc  
ken/sitzen/tanzen/sonder allein die abgötterey / vnd die  
stück/so fher sie der abgötterey zü ehren geschahen/Das  
spricht Moses selbs/Ex. xxxii. Der her plaget dz volck  
dz sie dz kalb hetten gemacht/welchs Aaron her gemacht.

Wans also gült narguiren / Manthut das nit recht  
oder mißbrauchs / drum sol mans nit mhetun / Lie  
ber was welt ganz auff der welt bleiben / Gottes barm  
herzigkeit were auffgehept / drum das etlich drauff sün  
digen / Es dörfte niemant kein weyn trincken / wie der  
Nachomet dē Türcken verpeit / drum das sich sein so  
vill mißprauchen. Auf / auf / mit disen leittern / w3 würd  
sich do für ein auffrur anheben / Der einfeltig man sihet  
nit / was für ein Teüffel darhind steck / der dir in der ein  
hant / brot zeigt / vnd in der andn den steyn hat / Er treibe  
diselcüt / wo er hin will / wā sie schon iezund / nichts arge  
im syn haben / Wiewol dz on aussprechlich böß ist / dz sie  
etwas verpietten / das Gott nit hatt verpotten.

Mit dem Tanz Herodiadis vnd entauptung Joe  
hānis / ist also / Wā Johānes / Herodē nit gestrafft  
het vntb seiner blüberey willē / das meidlin her lang müß  
sen Tanzen / bis Herodes Johannes enthaupt het.

Sie bey will ichs auff dis mal lassen pleybē / San ich  
hab mich müde getantz / mein augē / hant vñ fedder / So  
lang ich aber lebe / will ich keinem billichē / Wā er verpeit /  
das Gott nit hat verpottē / Erlaupt / das Gott nit hat  
erlaupt / Nacht sünd / do Gott keine hat gemacht / Wie  
diser Tanz verpiettisch / Reüchel Teüffel thut / Vñ wil  
nun wider zu ruwen seyn / bis mir ein and Pfeiffer auff  
plaset. Gotts barmherzig vatter / wöll sein liebe Chris  
tenheit / gnediglich furen / regiren / wachsen vñ zünemē  
lassen / das jederman frum vnd selig werd. Amen.

c. iiii. colum. in der i. zeil. chna. liß nach.

d. v. colum. in der xxii. zeil. sothen. liß sothen.

e. iiii. colum. in der xxi. zeil. dar. liß der.

Ende.

1810 June 6



